




John Carter Brown
Library
Brown University



44

54

IOANNIS DE LAET
Antwerpiani

R E S P O N S I O

AD

D I S S E R T A T I O N E M
S E C U N D A M

H V G O N I S G R O T I I ,

D E

O r i g i n e G e n t i u m A m e r i c a n a r u m .


Cum Indice ad utrumque libellum.



A M S T E L R O D A M I ,

Apud Ludovicum Elzevirium.

clo Io c xliV.






Benevole L E C T O R .

SPeraveram Clarissimum Vi-
rum Hugonem Grotium mihi
gratias fuisse acturum , quod
modeste illum monuissem ea,
que perperam in sua Dissertatione de
Gentium Americanarum origine po-
suerat : atque plures vias demonstrasse
ad diligentiorem indaginem & plenio-
rem explicationem hujus difficillimæ
questiōnis : verum ille , impatiens sibi
contradici , pro gratia reposuit convitia ,
in secunda hac sua dissertatione nullo
alio nomine me dignatus quam Obtre-
ctatoris , presbyteri , exercitoris . Nemo
autem à me expectet ut par pari referam ,
& convitia convitiis diluam , id alienum
est ab ingenio meo : verum tamen si pau-
lo acrius , quam in priori scripto , errores
illius , tum superiores tum quos jam ad-
didit , attigerim , responsum putato , quia
læsit prior . Moderabor tamen mihi

quantum possum, neque ad impetiginem
illius quicquam adferam quam modicum
salem. Hoc tantum te monendum duxi;
quum intelligam ipsum ægerrimè tulisse,
quod tantum Clarissimi Viri titulo
usus fui, & non Illustrissimi aut Excel-
lentissimi; me nunc omnibus titulis con-
sulto abstinuisse, quia mihi incertum
erat quo potissimum delectaretur, & eli-
gere posset quem vellet. Nam cum que-
stio hæc nihil ad Legatum pertineat, pu-
tavi mihi cum illo tanquam privato esse
agendum. Ego me ad secundam Disser-
tationem confero, eadem ordine, quo
prius, ut manifestius pateat quid ille di-
xerit, & quid ego respondeam. Quod
ipse studio videtur declinasse, ut aliquid
dixisse putaretur, quum revera causam
suam nihilo meliorem fecerit. Sed tuum,
Benevole Lector, judicium erit.

HVG.



HVGONIS GROTII
De Origine
GENTIVM
AMERICANARVM.
Dissertatio altera.

Proposueram nuper mea cogitata super quæstione, unde ortæ sint gentes magnæ terrarum partis, quam nunc vulgo Americam, aut Indianam occidentalem dicimus. Et proposueram modestissime, rationes meas adferens, sine cuiusquam injuria, & ita ut paratum me ostenderem sequi eos qui certiora possent indicare, promitterem etiam me gratiam iis acturum.

RESPONSIO

IOANNIS DE LAET.

EA promissio me movit, ut Notas meas ad illam tuam dissertationem pararem atque ederem, atque ostenderem, rationes tuas non satis validas esse ad probandum cogitata illa tua quæ proposueras, idque cum pari modestia, & sine tui aut cuiusquam alterius injuria: nisi forte immodestum judicas à te dissentire,

A aut

2 DE ORIG. GENTIVM

aut injuriam, tibi contradixisse: uti certe vi-
deris; nam aliam injuriam tibi factam aut
ullam convitum in toto meo scripto te
non ostensurum, confido.

H. G.

PRo hoc & labore meo & comitate nihil minus
sperabam quam maligna judicia, quale extitit
obtrectatoris, hominis ita Geographi, ut in Hispa-
nia Gades & Calis duas nobis insulas fecerit.

I. D. L.

QVANTUM laboris sumseris in tam brevi
opusculo, non quero; & comitatem
laudo, quam optarem te etiam in graviori-
bus controversiis servasse: Sed cur me ob-
trectatorem & judicium meum de cogitatis
tuis malignum voces, id jure postulo; nam
nullam causam attulisti: itaque convitum
autumo, qualia tu ubi se flava aut atra tua
bilis commovit in alios soles effundere, e-
tiam tibi non impares, atque adeo te me-
liores; ita ut hoc mihi, qui me longe infe-
riorem agnosco, accidisse, nemo mirari de-
beat, aut ego ægre ferre: confido enim, eos
qui æquo animo Scripta utriusque nostrum
legerint longe aliter judicaturos. Num-
quam ambivi famam Geographi, & siquid
Geographicus meis scriptis attexui, id per
occasione feci: libros autem meos de A-
merica eo consilio scripsi & primum no-
strate

strate lingua edidi, ut nostros docerem quid
in illis partibus validum aut debile & no-
strorum armis opportunum esset. Quod au-
tem hic mihi objicis Geographiæ ignoran-
tiæ, quasi in Hispania Gades & Cadiz
duas insulas fecerim, ea manifesta calumnia
est: Opusculo de Regno Hispaniæ cum loca
quædam Hispaniæ geographice primum
describere suscepisse, annotavi quæ diver-
si authores de quibusdam locis scripserant:
atque ita de Cadiz primum notavi quod
scripserat *Boterus*; dein quod *Nonius*: non
quod duas insulas opinarer; scivi enim jam
à quadraginta annis & supra, Gades & Ca-
diz unam esse insulam; sed ut lectores com-
pendio scirent quid duo illi de ipsa scripse-
rant. Vtrum autem hoc non sit obtrectari,
& maligne de meo labore judicare, aliis æ-
stimandum relinquo.

H. G.

ET in libris quos de America edidit, idem ille
Emanuel Moraes, cuius ipse nobis particu-
lam huic operi adtexuit; tot repererit errores
quot sunt paginæ, sed eos vulgo palam facere sit ve-
titus, ne quid deperiret auctoritati aut presbyteri,
aut exercitoris.

I. D. L.

Q Vis tibi hoc persuaserit nescio, sed fal-
sū esse facile probabo. Emanuel Moraes,

A 2

quam

4 DE ORIG. GENTIUM

quum è Brasilia, in qua à puerō vixerat, ad nos venisset, & cognovissem illum in primis gnarum esse illarum provinciarum in quibus multis annis erat versatus, donavi illi statim libros illos meos de America, & rogavi ut si quid in illis animadverteret in quo ab authoribus, quos fecutus eram, fuisse deceptus, id mihi candide indicaret, emendaturo in secunda editione cum honorifica illius mentione. Fecit quod rogaveram. & in libro qui de Brasilia agit (nam cæterarum Americæ provinciarum & regionum ignarus est) notavit quædam: quorum longe maxima pars versatur in orthographia vocabulorum Brasiliensium, & descriptione unius aut alterius animalis, aut plantæ. Habeo ipsius autographum, è quo demonstrare possum me verum dicere; & emendationes jam paratas ad Appendicem quam paro: in qua & alia quoque indicabo quæ ab aliis melius sum edoctus; semper enim desidero plenius discere, & aliis tradere. Verum hoc adhuc magis in veritatem peccat, quod dicas illum vetitum palam facere: à quo tandem, aut quas ob causas? non sane à me, neque à quoquam alio, quod quidem sciam: Contra memini me Elzeviriis nostris persuasisse ut ederent ipsius Historiam; & jam edidissent, si fuisset absoluta, verum illam secum

secum tulit in Brasiliam, ut perficeret. Non erat ulla causa cur ego vetarem aut curarem ut vetaretur; nam etiamsi decuplo plures errores in illis libris deprehendisset, nihil mihi ex eo aut ignominiae aut incommodi poterat accedere, qui authores quos habeo ubique nominavi. Sed nec metuere poteram ne ille in me injurius aut inmodestus esset, siquidem multis beneficiis mihi erat obnoxius. Interea non ignoro in illis libris adhuc multos esse errores, non quidem meos, sed aliorum qui perperam tradiderunt, quorum multos jam correxi: & adhuc quotidie corrigo; non enim desino quocunque possum aut ex illis partibus venientes, aut aliâs earum gnaros, rogare, examinare de iis quæ mihi adhuc non videntur sati explorata. Laudabile enim existimo in veritate proficere, & si alicubi erratum, agnoscere & emendare; quod si tu quoque credidisses, non tot errores nuper tam pertinaciter defendendo authoritati tuæ obfuisses.

H. G.

Habet hunc morem obtrectator, ut quæcunque ipse aut non legit, aut credere non vult, ea falsa dicat.

6 DE ORIG. GENTIVM
I. D. L.

AN ergo tu , quæcunque aut non legisti
A ipse, aut credere non vis, ea vera dicis?
valde credulum te esse oporteret , neque
umquam te talem præstitisti : sed contra
quæ apud sacros authores legeras & credere
debueras , non raro falsa es opinatus , cum
luminibus tuis officiebant. Neutrum in me
cadere , ubi ad exempla venies , apparebit.
Interea non puto in rebus humanis illauda-
bile, & in iis quæ legimus , & quæ diverse à
diversis proponuntur, judicium suspendere,
& de iis cum ratione judicare. Nec video
cur mihi id minus liceat quam tibi: & arro-
gantis fuerit, sibi hoc soli vindicare. Quod
tu hic facis, in me reprehendens , quod ipse
usurpas: & me propterea obtrectatorem
vocans.

H. G.

FAlsum ei est , Columbum cognitionem insulæ
S. Dominici accepisse à mercatore in Canariis
& Azoribus versari solito , idque cum eum morti
propinquum in Tercera Columbus reperisset.

I. D. L.

PRIMO hoc non est ex iis ; quæ aut ipse
non legeram, aut credere non volebam.
nam & testatus sum apud quos legeram , &
rationes attuli propter quas illud credere
non poteram . & alios illud non credidisse
osten-

ostendi. Perperam autem hic & ignoranter Maderam cum Tercera confundis. Neque Mariana, si hoc plene credidisset, dicturus fuisset, quæ si vera sunt. Neque ego primus illam historiam falsi accusavi, sed post alios Hispanos atque Italos, uti in Notis meis ostendi. Nemo autem melius hanc fabulam refutavit quam ille, cuius testimonio aliquoties uteris, Benzo.

H. G.

Nomen ei mercatori suit Zanchius de Huelva, testantibus multis, etiam Garcila Vega, qui ex regum Incharum sanguine ortum se dicit, & cuius auctoritate passim obrectator hic utitur.

I. D. L.

Quid nominis huic mercatori (Mariana Navarchum vocat) fuerit, parū interest: nomen aliquod illi dari oportuit, quod tamen alii reticuerunt. Garcilas autem ille omnium minime idoneus testis est in hac causa, quam alienigena non potuit nisi ab aliis accipere: quod autem interdum illius auctoritate utar, id jure feci in iis quæ ipse optime scire poterat; neque propterea existimo, ipsi in aliis rebus quas ab aliis accepit, parem fidem esse adhibendam.

H. G.

Et ceteræ Columbi conjecturæ tenuiores erant quam ut eis fisis tam pertinaciter spei suæ insisteret.

A 4 I. D. L.

QVid? num rationes mathematicæ tibi conjecturæ videntur? & an non rotunditas orbis terrarum satis indicat ultra tendentibus tandem terram aliquam occursum? neque attendisti quid Columbus quæsierit? Legenda fuerant quæ Herrera scribit dec. i. lib. i. Cæterum quod Columbus credidit, etiam Straboni persuasum fuit, qui lib. i. scribit: nisi Atlantici maris obstaret magnitudo, posse nos navigare per eundem parallelum ex Hispania in Indiam.

H. G.

FAlsum illi, quod Plinius Indos dicit vi tempestatum in Sueorum littora delatos: cum tamen par casus narretur ab Historicis in temporibus Barbarossa: nec id sane mirum videri debeat, si per Indos intelligantur Sinenses, & si continuum sit circa Tartariam mare.

I. D. L.

SVpra in me reprehendisti, quod cum aliquid credere nolo, id falsum dicam: at tu quidvis quod tibi allubescit aut causæ tuæ struit, nimis facile verum credis. Ego rationes attuli cur id minus credibile judicarem, non absolute falsum dixi. Rationes autem tuæ ob quas id minus mirum videri putas, admodum tenues sunt, nec possunt iis satisfacere, qui mare illud quod continuum circum-

cum

ecum Tartariam vocas, noverunt: quod maximam anni partem glacie constrictum est. Licet autem concederetur, per Indos Sinen-ses posse intelligi, quod tamen abhorret à phrasī ævi Pliniani, quod non noverat alios Indos quam ad Indum fluvium aut non longe ab illo dissipatos; valde credulum esse necesse foret, cui non mirum videretur, Si-nenses superato promontorio Tabin, gla-ciale illud mare permensos, & per angustias inter novam Zemblam & Asiac continentem eluctatos, aut etiam supra illam insu-lam evectos, tandem in Suevorum littora fuisse ejectos: Et velim mihi explices, quot, non dico dierum, sed mensium, tempestas hæc fuerit: & quomodo potuerint usque ad Suevorum littora impelli, & tot insulas tot terras prætervehi. Vbi me ex hisce difficultatibus eduxeris, forte sententiam mutabo. A costa ipse non plane credidit veram esse historiam, uti è dictis ipsius satis manife-stum est. Non puto interea magnum crimen esse fidem suspendere in rebus quæ tam pa-rum probabiles sunt.

H. G.

FAlsum illi, circumcisos fuisse Iucatanenses, quod præter Martyrem Anglerium testantur Godingius & Relationes editæ Antverpiæ anno CICICLVIII. quæ addunt Tolonas, Acuza-

A s mitenses,

mitenses, & alios circa Mexicanam. Addidit Herrera Guazacualcenses. Mirum vero quam ipse res adferat probabiles, qui à lue venerea arrosa vult illis præputia, quasi ita judaica esset illa lues, ut præputium perdere contenta, vicinis partibus parceret.

I. D. L.

Non absolute dixi hoc falsum esse, sed potuisse falsum esse, & Hispanos in eo deceptos: dein ipsorum authorum testimonia citavi, Martyris Anglerii, atque Gomaræ neque ignorabam, plures esse qui hoc dicerent, prout ab aliis acceperant: & omnes illos populos nominavi de quibus hoc dicitur: quæ nomina in Relationibus illis quas citas, corruptissima sunt; Acuzamitenses enim dicunt pro insulanis Cuzumel sive Cozumel, aut etiam Acuzamil, ut vocat Gomara. Quod autem hic addis de Guazacualcensibus, etiam monui in libris meis de America. In illa autem Annotatione mea ad tuam Dissertationem, cum omnia excussem, tandem conclusi: *Hæc mea conjectura est; credant qui volent: saltem minime verisimile est; origine Hebreos fuisse.* Ex quo satis patet, me non dixisse absolute, falsum esse, quod autores illi de circumcisione quorundam Iucatanensium & aliorum scripserant: sed mihi non admodum probabile videri. *Quod vero*

vero conjecturam meam de lue venerea
false rides, non satis cogitas luem illam tum
nondum Hispaniam aut Italiam vidisse, ubi
vires sumsisse creditur. Possent & aliae cau-
ſæ adferri cur Barbari præputium sibi præ-
ciderint, si modo hoc factum. (nam Herre-
ra quum ex instituto mores & ritus Iucata-
nensium describit, postquam jam plenius
cognosci cæperant, circumcisionis non me-
minit.) sed res non est tanti ut de ea acrius
sit contendendum. Observant enim Au-
thores Hispani, Diabolum inter illas gen-
tes, ad similitudinem cultus quem Deus Iu-
dæis tradiderat, multa instituisse; quæ hic
referre longum esset: ut non propterea ne-
cessè, sit tantopere laborare ad illos à Iudeis
aut Christianis judaizantibus accersendum.

H. G.

Falsum illi omne id quod viri nobilissimi Zeno-
nes Veneti & voce & scriptis ad posteros suos
prodidere. at cur tandem? quia ita libet.

I. D. L.

Non dixi, mihi falsum videri omne id
quod Zenones illi prodiderunt, sed il-
lud de Estotilandia & Regis bibliotheca &
quædam alia quæ de pescatoribus produnt.
Quanquam si dixisset pene omnia, non
exstimate rem me quicquam præter verita-
tem dixisse. Neque credo te omnibus illis
fidem

fidem habere. Rationes porro retuli aliquot, & in primis præsentem terrarum illarum faciem, jam omnibus satis notam. Itaque tu hic ob trectatoris partibus fungeris, quum dicis me id fecisse tantum quia ita libet. Si tu omnia ista credis, explica nobis quæso, quæ sit illa insula Porlanda Frislandiæ ad meridiem vicina, admodum opulenta & populosa: ubi sit Stanesol, (nam hæc non sunt adeo à memoria hominum remota:) Bodendon, Grislanda magna insula inhabitata: quæ sint septem illæ insulæ circa Islandiam, Talas, Broas, Iſcant, Trans, Mimant, Damber & Bres: (de Gronlandia in superiore opusculo diximus, & ostendimus ex authoribus probatis, nullum umquam monasterium monachorum ibidem fuisse:) quæ sint insulæ illæ opulentissimæ & populosissimæ à Frislandia versus occidentem. An credendum putas in Estotilandia fuisse civitatem bellissimam & populosissimam cuius Rex in bibliotheca sua habuerit libros latinos & similia. Si hæc omnia fide digna existimas, permitte saltem mihi, cui facies illarum terrarum ex relatione Anglorum & aliorum satis nota est, judicio meo uti.

H. G.

H.G.

OMNIA QUÆ CONTRA ME SCRIPSI IN HOC ARGUMENTO, NON VERITATIS SCRIPSI STUDIO, SED OBTRACTANDI.

I.D.L.

ABSSIT HOC À ME: IMO VERITATIS INDAGANDÆ STUDIO SCRIPSI, & UT TE AD DILIGENTIOREM INDAGINEM EXCITAREM; NEQUE DEBUERAM PROPTERA TAM MALIGNUM JUDICIUM AUT TOT CONVITIA À TE PATI. INTEREA SATIS PRODIS, TE NON EO ANIMO COGITATA TUA PROPOSUÍSSE, QUO VIDERI VIS; & TE ALIOS INVITASSE, UT OCCASIONEM NANCISCEMERIS IIS PRO TUO MORE INSULTANDI.

H.G.

MAGIS CREDO EI SE PROBAT, QUEM SUO OPERI ADDIDIT LESCARBOTUS, QUI PROBABILE PUTAT, NOACHUM IN AMERICA NATUM ITER AD VETEREM PATRIAM INDICASSE POSTERIS.

I.D.L.

NE SÆVI QUÆ SO TANTOPERE: NON POTES IGNORARE ME HOC COMMENTŪ LESCARBOTI DAMNASSÉ: NON TAMEN PROPTERA DEBEBAM ABHORRERE AB ALIIS QUÆ ILLE BENE OBSERVAVERAT.

H.G.

DICAM EGÓ QUOD VERUM EST, ME NON LIBROS TANTUM LEGISSE MULTOS QUOS & OBTRACTATOR, SED & SCRIPTIS COMMENTARIIS USUM: QUÆDAM ETIAM ME CREDIT.

I. D. L.

Credo, & laudo; idem & ego feci & facio;
confidoq; me plures scriptos commen-
tarios legisse & adhuc habere: cum pluribus
quoque contulisse qui in illis partibus vixe-
rant, tam Hispanis, quam nostratibus, etiam
Gallis atque Anglis. Sed multum interest
quo pacto quis omnibus illis utatur. nam
primo judicio opus est, & non facile, nisi
plures unum & eodem modo tradant, af-
fensus adhibendus, & aliquandiu judicium
suspendendum: & afferentium aut negan-
tium rationes, etiam mores, inspiciendi. De-
inde hoc quoque observandum, ne quis te-
mere hanc aut illam sententiam amplecta-
tur, & indecorum putet illam mutare, ut te
fecisse video, qui etiani dissentientes & nafo
suspendis, & odisti, & illis male dicis; nam
ita veritas inveniri non potest; tales enim
quod volunt credunt, & querunt quo modo
persuadeant aliis quod temere credide-
runt, & contradicentes contemnunt adeo,
ut ne rationes quidem eorum examinare
sustineant. Hoc autem tibi familiarissi-
mum esse, nuper ostendisti. nam cum tibi
pulchrum illud commentum de Caio Anti-
christo & Simone mago homine peccati
tantopere allubuissest, quas non turbas de-
disti,

disti, aut quibus convitiis in contradicentes pepercisti? non ita, mihi crede, oportuit. Perpende queso quid magnus Basilius dicat Homil. 2. in Hexameron. ἀλλ' οἱ ὁδογράφοι τῆς αἰληθείας, &c. & videbis quam rationem sequaris. In controversia de qua nunc agimus minus periculi est, sed idem lapsus, quum veritas non quæritur ipsa, verum tantummodo conjecturæ patrocinium.

H. G.

Attamen quia hæc, posterius quæ dixi, mihi fidem facere possunt, non aliis forte, præsttim, ut nunc sunt tempora, pertinacibus, ex solis libris editis satis me habere confido, unde adstruam, non quidem certa esse & explorata quæ dixi, (neque enim venditavi ut talia) sed probabiliora iis quæ contradictores hactenus attulere.

I. D. L.

Sane ista expeditior est via: quanquā non repudiandum existimem, si quis aliquid ex scriptis commentariis aut relatione fide dignorum adferat, nam ex ejusmodi commentariis & relationibus libri editi originem habent: modo quis candide & fideliter referat verba eorum & rationes, & authores nominet. Sed tu etiam in citandis libris pessimo more, si verum licet dicere, uteris, nam neque verba, neque loca indicas ubi inveniantur. Citans authores qui multa & prolixia

prolixia volumina ediderunt, nominare illos contentus, neque librum neque caput designas, quo sit ut aliis qui verba authoris inspicere vellēt, magnum inducas laborem inquirendi, aut illius tædio assensum extorqueas: ita citas Herreram, Gomaram, alios. Cæterum bene habet quod fateris te non dixisse *certa & explorata*; non debueras ergo tam ægre ferre, quod notas ad illa feceram. Verum addis, *sed probabiliora iis, quæ contradictores hactenus attulere*: Abunda in tuo sensu, per me licet, sed ne sævi in eos qui illud non possunt credere. Placeat tibi tuum commentum, sed patere alios de illo judicare: neque statim pertinaciæ condemna eos qui plenius rationibus se persuaderi postulant antequam assentiantur; nam si te hic aut alibi pro dictatore audiri flagites, frustra fueris. Sed rem ipsam porro videamus.

H. G.

BIpertita est mea disceptatio: *de gentibus eis Isthmum Panamensem: de gentibus ultra eum Isthmum.* In utraque parte dixi primum, quid in universum censerem, illos à Norwagia ortos, hos ab austrinis ter:is, quæ ultra fretum sunt Magellanicum. Sed exceptionem addidi in parte nobis propiore de Iucatanensibus & quibusdam eorum viciniis: in parte remotiore de Peruanis. De his omnibus nihil dum video cur meas conjecturas cum aliorum

rum

*ram sensibus commutare debeam. Groenlandiam
ait esse partem continentis Americanæ. Libenter ei
in eo assentior. Neque enim ei similis esse volo, ut
eam in omnia contraria.*

I. D. L.

Neque ego in omnia contraria ivi, sed
quædam tua probavi, quæ recte se ha-
bebant: & jam ipse fateris me quædam ve-
ritatis studio scripsisse: siquidem vera esse
agnoscis.

H. G.

Groenlandiam à Norwagis habitatam, in-
ter ipsum & me & omnes constat. Habemus
ergo jam partem Americae à Norwagis, ut ego di-
xeram habitatam.

I. D. L.

Si hoc tantum dixisses, nemo id jure refu-
stasset: & haec tenus inter nos convenit;
nam neque ego contendi, nullam partem à
Norwagis aut aliis Europæis habitatam:
quinimo etiam alios ex Europa in Ameri-
cam migrasse potuisse ostendi: siquidem à
multis partibus mari ad Americam perve-
niri potuisse asserui; & nullam viam negli-
gendam ad incolas in Americam inducen-
dos ab illis terris, in quibus post diluvium
genus humanum propagatum credimus.

B

H. G.

Quid illos Groenlandiæ inseffores impedit ire longius, & per lata terrarum spatia genus suum propagare? notemus vero, nullum vestigium famæ in vetere orbe repertum, quod ad mille annos pertingeret. Islandia quantum ex Annalibus cognoscitur per hominem Suedum detecta anno Christi 1000 LXIV. habitata ab Ingulfo Norwago anno 1000 XCIV. Circa idem tempus Groenlandia pernosci cæpta, teste bono Dithmario Bleshemio.

I. D. L.

CVr hic autoritatem hujus Dithmari præfers authoritati Angrimi Ionæ, qui Islandus natione melius ista scire potuit, & qui istum in plurimis falsum fuisse ostendit? hic enim tradit, Groenlandiam primum aditam anno 1000 CLXXXIV. Quod autem hic fateris, nullum vestigium famæ in vetere orbe repertum quod ad mille annos pertingeret: (imo ne ad octingentos quidem, si rationem subduxeris:) id me vel potissimum movit ut non crederem, partem septentrionalem Americæ, maximam partem suorum incolarum è Norwagia accepisse. Nam si Gomaræ & Herreræ credimus, Chichimecæ ad lacum Mexicanum venerunt anno 1000 XXI. ita enim scribit Gomara parte secunda cap. de los Reyes de Mexico:

xico: Quenta su historia que vinieron a esta,,
tierra los Chichimecas el anno segun que-,,
stra cuenta de setecientos y viente y uno,,
despues que Christo nacio. id est; *narrat ipsorum historia, Chichimecas ad istam terram (agit de Mexicana) venisse anno secundum nostrum computum septingentesimo uno & vigesimo à Christo nato.* Oportet itaque illos aliunde
venisse quam è Norwagia, siquidem Norwagi primum anno 1500 XCIV, etiam secundum tuum calculum, in Islandiam migrarunt. *Quod te animadvertere oportuif-
set;* & monaeram in Notis meis. sed non vis quicquam doceri quod cogitatis tuis non faveat.

H. G.

Utrique lingua vetus Norwagica: Saxonica per commercia in oram postea irrepit. Christianismi nulla tunc ibi notitia. Christianismum pariter accepere & Islandia & Groenlandia anno Christi CCCCCXCVIII, cum exigua ante jaæta essent semina. Et propterea mores quos Angrimus narrat, nihil ad nos pertinent: ii posteriores sunt accepto in Islandia & Groenlandia Christianismo.

I. D. L.

Qvibus authoribus asseras, Islandos & Groenlandos primum anno CCCCCXCVIII. Christianismum accepisse, dicen-

dum fuerat; Angrimus Islandus contrarium scribit, nimirum id anno c^{irca} 10 factum, & ille optime scire potuit. atque etiam planius explicandum fuerat quid per exigua illa semina intelligeres, cum hic & episcopos Groenlandiæ numeret ab anno c^{irca} 1000. sed hoc commentum propterea tibi placuit, ut annos illos quingentos lucrareris, & evitares argumentum à moribus Islandorum.

H. G.

Inter illos annos prope quingentos, vide quantum auctus accipere potuerit gens in primis fæcunda. Neque enim frustra Iornandes Gothus Scandziam in qua est & Suedia & Norwagia vocavit gentium officinam. Iaponensis terra à 100 annis habitari cœpit. vide quanta ibi fuerit hominum multitudo, in cœlo minus genitali, jam Marci Pauli Veneti temporibus, id est, intra annos à sui origine trecentos. Non longe ab iis que diximus, quod Herrera dixit, auctores gentis Mexicanae mare transisse circa annum Christi 1000. Intrasse terram quæ postea Mexicana dicta anno Christi 1000.

I. D. L.

Non dubium est, gentes fæcundas & in fæcundo cœlo magnum auctum posse capere intra trecentos annos. Sed illos annos prope quingentos ut tu loqueris primū demon-

demonstrare debueras à Norwagis in Gronlandia actos, antequam Christianismum susciperent, ut ita dissimilitudinem morum probares. Verum ut hoc de moribus jam mittamus: Rationes tuæ potius destruunt id quod probandum susceperas, nimirum omnes ferme populos qui cis Isthmum sunt Panamensem, ex Norwagia ortos, & tantum excipi Iucatanenses & paucos alios illis vicinos. Nam si Norwagi primum migrarunt in Gronlandiam anno 1500, aut ut aliis placet 110, quomodo potuerunt anno 1500 transiisse mare, & jam anno 1500 tantum auctus cepisse ut Mexicanam implerent? Hæc absurdâ esse quivis videt, & mirum est te hoc non animadvertisse. De temporis ratione nobis hic adhuc quæstio est, non de moribus. Quod autem scribis, Herreram dixisse auctores gentis Mexicanæ mare transiisse circa annum Christi 1500, id paulo accuratius examinandum. Locus, quem credo te respicere, ita se habet Dec. III. lib. II. cap. x.

Los antiguos moradores de aquellas partes eran silvestres, que se mantenian con las frutas, y raíces campesinas y cañas, en que eran muy diestros y no vivian en vecindad, y por esto se llamavan Chichinecas: habitavan en las sierras, y montes, dormian

,, dormian en tierra , y andavan desnudos : y
,, ningun genero de policia tenian : las mu-
,, geres seguian à los maridos , y dexavan las
,, criaturas colgadas en cestas de las ramas de
,, los arboles , hartas de leche hasta que bol-
,, vian de la caça. No conocian dios, ni tenian
,, religion,ni superior; y hasta oy dura en neu-
,, va Espanna esta gente , que ha sido harto
,, prejudicial , la qual no se pudo sojuzgar
,, por no tener ciertas habitaciones, que fue-
,, ra harto necesario para que los ensenna-
,, ran a ser hombres y Christianos. Estos pri-
,, meros moradores de neuva Espanna como
,, no sembravan, ni cogian , dexaron à otros
,, forasteros la mejor parte que ocuparon ;
,, que era gente mas politica los quales fue-
,, ron de otra tierra apartada de hazia el Nor-
,, te , adonde se ha descubierto la neuva Me-
xico. Dicit, antiquos incolas novæ Hispaniæ
fuisse homines silvestres sine ulla religione
& politico regimine , separatim degentes
& solis fructibus arboreis & radicibus cam-
pestribus & venatione vitam tolerasse , in
montibus & collibus habitasse , & meliores
terræ advenis reliquisse. Agit deinceps de
auctoribus gentis Mexicanæ , quos dicit
gentem magis politicam fuisse ; & venisse
ex illis regionibus in quibus hodie nova
Mexica censetur. Quum autem dicat , no-
vam

vam Hispaniam ante occupatam fuisse à Chichimecis, quos Gomara, ut ante dixi, scribit ad lacum Mexicanum venisse anno 1000XXI; ex eo satis liquet, silvestres illos homines non fuisse ejusdem originis, aut à Norwagis potuisse descendere. pergit Herrera.

Y esta gente (nimirum quæ postea venit),, pintava su decendencia en figura de cueva ,,, y dezian que de siete cuevas avian salido a,, poblar la tierra de Mexico : y haciendo ,,, mention dello en sus libros , pintavan siete ,,, linages , y dezian que para llegar al lugar ,,, de las siete cuevas , atravesaron un braço ,,, de mar en troncos de arboles , que devian ,,, de ser canoas mal labradas , y segun su cu- ,,, enta parecia que avia ochcientos annos , que salieron de Navatlacan , que reduzido ,,, à la nuestra fue el anno de ochcientos y ,,, viente , y tardaron ochenta annos en llegar ,,, à la tierra de Mexico , porque les persua- ,,, dian sus dioses , o demonios , porque ha- ,,, blavan visiblemente con ellos , que buscas- ,,, sen las tierras conformes à las sennas que ,,, los davan : y desta manera yuan inquirien .,, do , y poblando , y dexando alguna gente ,,, passando adelante , y hasta aora se hallan ,,, rastros del camino que traxeron , con gran- ,,, des edificios derribados , y por esta causa ,,

„ tardaron tantos annos en viage que se pue-
„ de andar en un mes : y entraron en la tierra
„ de Mexico el anno de nuestra saluacion de
„ novecientos y dos. id est: *Et ista gens (nimi-*
rum politica illa quæ post Chichimecas il-
los sylvestres venit in novam Hispaniam)

pingebat descendantiam suam figura speluncæ, &
dicebat, se salisse è septem speluncis ad incolen-
dum terram Mexicanam ; & facientes ejus rei
mentionem in suis libris pingebant septem genera-
tiones, & dicebant, se, ut venirent ad locum septem
speluncarum, trajecisse brachium maris truncis ar-
borum , quæ oportuit esse canoas negligenter fa-
ctas , & secundum ipsorum calculum apparebat
esse octingentos annos à quo exierint è Navatla-
can , qui reducti ad nostrum calculum fuit annus
octingentesimus & vigesimus, & tardarunt octua-
ginta annos antequam adirent Mexicanam, quia ipsis
persuadebant eorum dii aut dæmones (nam visibi-
liter cum illis loquebantur) ut quererent terras
conformes signis quæ dabant : & ad istum modum
procedebant, quarentes, & colentes, & relinquen-
tes aliquot suorum, atque ita ultra tendentes ; &
ad hodiernum diem visuntur vestigia itineris , &
magnorum ædificiorum ruinæ: atque propterea tot
annos fuerūt in itinere, quod menstruo absolvi tem-
pore potuerat ; & intrarunt terram Mexicanam
anno nostræ salutis 1500. Atque hic obser-
vandum , primo Herreram non dicere , illos
trans-

transisse, mare, sed brachium maris, id est, si-
num aliquem aut fretum quod in continen-
tem incurrit, ita ut hoc nullo modo possit
accipi de mari Germanico quod Islandiam
& Gronlandiam à Norwagia dividit; quis
enim credat illud truncis arborum aut lem-
bis uniligneis trajicere ausos? Deinde illum
non dicere illos anno 1500 maris illud
brachium transisse, ut tu asseris, sed tum se
movisse ex Navatlacan, ita ut male hic sen-
tentiam Herreræ intellexeris. Licet ne hoc
quidem te possit juvare. Nam ipse eodem
capite, postquam plura de harum gentium
adventu ad Mexicam dixit, concludit: De „
que se infiere que los primeros pobladores „
de las Indias occidentales, fueron por tierra, „
& que todas aquellas provincias estan con- „
tinuadas con Asia, Europa y Africa, y el „
neuyo mundo con el vejo: aunque hasta „
ayorar no esta descubierta la tierra que los „
junta: y si ay mar en medio, es tam poco „
que le pueden passar à nado las fieras, y los „
hombres en chicos barcos. Id est; è quibus in- „
fertur, primos illos habitatores Indiarum occiden- „
talium terra venisse, & omnes illas provincias esse „
continuas cum Asia, Europa & Africa, & novum „
mundum cum vetere: licet hactenus non sit detecta „
terra quæ illas jungat: aut si mare interluit, tam „
exiguum esse, ut feræ transire possint & homines

exiguis lembis trajicere. Quæ autem hic narrantur ab Herrera, eadem pene habes apud Gomaram : nisi quod rationes temporum nonnihil varient; & quod addat, Chichimecas illos venisse ab *Aculhuacan*, quæ est ultra *Xalisco*, circa annum 1550. Situm provinciæ *Culhuacan* descripsi in America. est autem ad sinum sive fretum *Californiæ*, ut maxime verisimile sit, Herreram per brachium maris hunc sinum intellexisse, sequitur enim ad eandem plagam *nova Mexica*. Quid multa? hæc ad Gronlandiam referri neutquam possunt, quæ longissime inde abest: neque unius mensis spacio ab illa ad Mexicanam potuissent pervenire: neque tempus, quo Norwagi in Gronlandiam descendederunt, congruit cum eo quod hic designatur; quod te animadvertere oportuit. Eadem quoque habentur apud Acostam lib. 7. cap. 2. qui Chichimecis jungit Otmies, aliam gentem Novæ Hispaniæ, moribus & lingua à Mexicanis diversam, neque ita cultam; quæ hodieque reperitur in *Nova Hispania*. Concludit quoque eodem modo, ut mihi verisimile fiat, Herreram totum illum locum ab Acosta sumfisse, & tantum verba quædam mutasse.

H. G.

Poste novem populos distinctis temporibus venisse è septentrione, id est, à partibus Americæ primum habitatis, unde & illi Mexicanorum majores venerant.

I.D.L.

DVos hic errores commitis: primū quod novem populos facias, quum tantum septem fuisse tres isti authores dicant: secundum, quod illos distinguis & alios facis à majoribus Mexicanorum: quum tantum alii fuerint à Chichimecis & Otomiis, prioribus nimirum illarum terrarum incolis. Atque ita confundis quę illi bene distinxerant, ut conjecturis tuis fidem faceres. Observare autem debueras, Herreram & alios agere de incolis non tantum Mexicanæ, sed totius novæ Hispaniæ, quæ plures provincias complectitur: septem autem illas nationes omnes aut ad lacum Mexicanum aut haud longe ab illo sibi sedes elegisse, & propterea recte dici posse majores Mexicanorum, cum non tantum de civitate, sed de toto imperio sermo est. Alioquin si bene attendas ad ea quæ Herrera & alii scribunt, præter Chichimecas, etiam aliæ nationes jam ad provincias illas venerant, antequam migratio septem illarum nationum contingret; inemorat enim, Otomies, & montana incolentes

tes Totonnaques ; quibus & alii plures addi possunt ad meridiem & orientem à Mexicana incolentes, sed hoc non attendisti , quia conjecturis tuis de Norwagis non favebat.

H. G.

HOrum in numero fuisse illos qui Mexicano regno nomen dedere sexcentis ante Hispanorum adventum annis. Ducentis ante id tempus annis advenisse ab eodem septentrione Navillacas, ait Acosta , venatui assuetos hos non minus quam priores illos.

I. D. L.

ITa est , septima illarum nationum fuit Mexicana, quæ & postrema ad lacum venit. Hispani primum adierunt Mexicam anno cīcīcī xx, aut paulo ante. venerint ergo ad lacum Mexicanī anno 13ccccxx. quo nondum Norwagi in Groenlandia tantum auditus fecisse poterant , multo minus tantum terrarum spatium permeasse: & nondum quod supra dixit Herrera , locum illum unde nationes illæ septē egressi sunt, haud longius à Lacu abesse , quam ut uno mense ab expeditis iter illud absolvi potuerit. Addis; Ducentis ante id tempus annis, id est , anno 13cccx , advenisse ab eodem septentrione Navillacas , ait Acosta , venatui assuetos hos non minus quam priores illos. Qui sunt priores illi ? nam primos vis mare trans-

transiisse anno 10 CCCXX, id est, centum annis ante quam Navillacæ ad lacum venerant. Nisi aliud & gravius convitium metuerem, dicerem, hic te dormitasse. Qui autem sunt illi Navillacæ? Acosta septem illas nationes eodem nomine insignit. Navatlacas enim dicit de terra sua exire cæpisse anno 10 CCCXX. deinde ordine exponit quæ illatum & quo tempore ad Lacum venerint. Non est autem quod hic captes ex eo quod dicit Navatlacas à septentrione venisse: nam ipse se explicat, inde venisse ubi hodie repertum fuit regnum quod vocatur Nova Mexica. Constat porro ex narratione Acostæ lib. 7. cap. 3, in illis provinciis Novæ Hispaniæ ante annum 10 CCCII (utor tuo calculo, ne quid tergiverseris) non tantum fuisse Chichimecas, sed & alios populos. Scribit enim, Chichimecas illos non impedivisse novos advenas: sed indigenas qui habitabant ultra montes nivosos, quos Tlascatecæ transcederant, haud ita & quo animo passos terras suas ab advenis occupari: & dicit illos fuisse gigantes. Vellem autem locum designasses, & Acostæ verba produxissem; quibus dicit illos venatui assuetos non minus fuisse quam priores illos: qui priores illi non possunt esse alii quam Chichimecas: quum contra Acosta scribat, Navatlacas illos ma-

DE ORIG: GENTIVM
gis politos & industrios fuisse, & sementem
facere suetos. Confusissima sunt quæ hic
dixisti.

H. G.

Nec spernendum quod Herrera dicit, eos qui in
terra Bacalaos habitant, colore, cultu, ve-
stitu, sedibus congruere cum Lapponibus Norwa-
giæ vicinis.

I. D. L.

NEquaque spernendum: sed ubi hoc
dixerit Herrera, adhuc quæro: interea
fateor non esse negandum, neque umquam
negavi, ex Europa etiam incolas Americam
accepisse: sed Bacalais quid commune est
cum incolis novæ Hispaniæ? præterquam
quod in eadem continente degant. aut si
concedatur Lappones in terram Bacalaos
venisse, num propterea sequetur, omnes se-
ptentrionalis Americæ incolas aut maxi-
mam partem à Norwagis esse ortos? Quam
alieno loco hoc nec spernendum inferatur, æ-
quus lector judicet, sed caveat ne in obtre-
ctatorum numerum referatur.

H. G.

Postremos à septentrione illo venisse Tapene-
cas, ait Herrera, anno ante Hispanos trecen-
tesimo trigesimo & secundo.

I.D.L.

Eras porro, neque cepisti mentem Hereræ; nisi forte ita festinaſti hæc effundere, ut non attenderis quid ille dicat. Recenſet quo ordine ſeptem illæ nationes ſe è patriis ſedibus moverint. nimirum primo Suchilmici: ſecundo Chalcæ: tertio Tepeacæ, quarto Culvæ, quinto Tatleucæ. Obſervandum autem, quatuor illas priores ad Lacum ſedes cepiffe; quintam illam in Quahuanac, ubi nunc eſt Marchionatus qui dicitur Vallis: ſexto Tlascaltecas, qui transierunt montes nivosos. Et poſtquam de his ſex nationibus egit, & interjecit antiquam cantilenam qua liberos ſuos animabant ad parcimoniam, quia maiores ipsorum multo labore vitam ſuſtentaverant, ſubjicit denique: y aviendo paſſado 302 annos que los,, ſeys linages referidos ſalieron de ſu tierra y,, poblaron à neuva Eſpanna, eſtando ya,, muy acrecentados, Il egaron à ella los del,, ſeptimo linage, que es la nacion Mexicana,, gente politica y bellicosa &c. id eſt: quum jam anni CCCII præterierant poſtquam dicta ſex nationes (id eſt, Suchilmici, Chalcæ, Tepeacæ, Culvæ, Tatleucæ, & Tlascalteca) è patria ſua exierant & novam Hifpaniam incoluerant, atque jam multum auctus fecerant, veneſunt ad illam ſeptimæ nationis homines, quæ eſt natio Mexicana,

na,

na, politica & bellicosa &c. Nihil ille de Tapanecis; sed Acoita de itinere septem illarum nationum agens, tertio loco ponit Tapenecas, & interpretatur populum pontis. Cur autem hos è medio excepseris, nescio. Herrera ipse explicite loquitur, & significat Mexicanos postremos è sedibus suis movisse, non quidem 302 annis post sextam nationem, sed postquam sex illæ nationes, quæ erant ejusdem cultus, se sedibus primis movere cæperant & ad Lacum accesserant; erant enim omnes advenæ. itaque initium illorum trecentorum & duorum annorum capiendum est ab anno 1518, si Herrera bene rationes subduxit; venerunt enim sex illæ nationes ad Lacum ante Mexicanos, sed quo anno singulæ venerint, id non invenio annotatum. Observandum porro, Acostam qui ante Herreram scripsit, dicens lib.7.cap.4, non minus Mexicanam, quæ erat septima natio, quam sex alias, exiisse ex Aztlan & Teuculhuacan, & fuisse omnes gentes bellicosas & politicas, & politiores iis qui prius regionem illam incolebant, qui erant silvestres & impoliti. Quantum autem hæc conjecturis tuis quas aliorum sensibus probabiliores judicas, convenient, vellem te attendere, & deposita iracundia animadvertere, me bene monuisse, origines horum

horum populorum altius esse repetendas quam à Groenlandis aut Islandis aut etiam Norwagis: quanquam nolim negare, etiam ab his incolas ad Americam venisse: sed tu ita impatienter fers tibi contradici, ita festinas ut verum videre non possis: oportet ut hoc emendes si famam tueri velis, & ut aliis parcias male dicas, qui malunt authores ipsos consulere quam aliis temere credere, aut obiter & dormitanter illorum sententiis assensum adhibere.

H. G.

Adde jam argumentum illud, quo & alios induc̄tos video, ut crederent, non terrestri, sed maritimo itinere venisse, qui primi illas terras habitarunt, quod equos nullos secum adduxere.

I. D. L.

VEllem prius illud tuum argumentum forma aliqua imbuisses, & terminos illius planius explicasses, tum enim patuisset quam levis tua conjectura fuerit. nam si Norwagi secundum tuum calculum primum anno 1000000 Islandiam cæperunt inhabitare: & Chichimecæ jam in nova Hispania fuerunt anno 1000 secundum Gomaram: secundum te autem auctores gentis Mexicanæ jam intrarunt terrā Mexicanā anno 1000000: quis dæmon illos octo annis in

C tantum

tantum auxit & per tanta terrarum spatia duxit? & unde fuerunt illi quos ibidem invenerunt? hic tibi Caio Cæsare aut Simone mago opus erit, ut te expediās, & aliquid novi comminiscaris. De altero argumento quod ab equis sumitur, jam dixi in priore opere: & post adhuc aliquid erit dicendum. sed mihi crede, etiamsi Norwagos tuos statim postquam in Groenlandiam descendērunt, omnes cum conjugibus & liberis in equos imposuisses, non potuissent tam cito Chichimecis & aliis ad Lacum occurrere.

H. G.

Quid ergo proprius creditu, quam ortos Groenlandia eos qui ulteriora tenuere, ita tamen ut, quando celebris fuit illa navigatio, per temporum spatia ex Suedia, Norwagia, Dania, cultores accesserint novi, magna ad sobolem incrementa?

I. D. L.

Ego vero te magnum Iovis incremen-
tum opinabor, si hanc conclusionem rite
è præmissis sequi ostenderis. Videamus e-
nīm præmissas; Islandia habitata fuit ab In-
gulfo Norwago Anno 1000. Circa
idem tempus Groenlandia pernoscī cæpta;
utraq; provincia anno 1000 Christianismum accepit: intra quingentos an-
nos, id est, anno 1500, potuit magnum
auctum accepisse gens in primis fœunda-
aucto-

auctores gentis Mexicanæ mare transferunt
anno 15 cccxx.intrarunt in terram, quæ po-
stea Mexicana dicta fuit , anno 15 ccccii.
Nec sfernendum, qui in terra Bacalaos ha-
bitant, cum Lapponibus, colore, cultu, ve-
stitu, sedibus conguere. Postrema illarum
nationum quæ Novam Hispaniam incolunt,
& Lacum Mexicanum accolunt , eo vene-
runt trecentesimo trigesimo secundo anno
ante Hispanos ; id est , anno c15 CLXXXVII
aut circiter. Ergo proprius creditu, illos ter-
restri quam maritimo itinere venisse , & è
Groenlandia aut Norwagia ortos. Si hæc
conclusio sequitur è præmissis, vicisti uti-
que. Verum si ex me quæras, proprius cre-
ditu est, eos qui Novam Hispaniam & ulte-
riora ad dextram & sinistram tenuerunt , è
Groenlandia non fuisse ortos : neque credo
quemquam sanum judicaturum, hanc con-
clusionem è præmissis sequi, sed potius cre-
diturum , manifestam esse principii petitio-
nem, & Sophisticum Elenchum. Quid au-
tem sibi vult quod adiicis; quando celebris fuit
illa navigatio , per temporum spatiæ ex Suedia ,
Norwagia , Dania cultores accesserunt novi? Si
navigationem Norwagorum intelligis in
Groenlandiam , inter ipsos pervulgatam ,
ea non potuit esse admodum celebris , nisi
jam accepto Christianismo, secundum fide-

dignissimorum authorum testimonia: si de
celebritate apud alias nationes, aut celebri-
tate navigationum superiori seculo; fieri
potuisse credo ut aliqui eo se conferrent;
sed tum oriatur illa difficultas, quomodo
Christianis sacris imbuti, tam cito potue-
rint oblivisci non modo se Christianos, sed
etiam homines esse. Porro quum superiori
seculo ad illas partes Americæ navigatum
sit à Brittonibus, Hispanis, Anglis, Nostra-
tibus, etiam ab iis incrementa accipere po-
tuerunt: sed jam Christianos, neutquam
fuit verisimile, tam brevi tempore religio-
nis non tantum in solidū oblivisci potuisse,
sed ad istum modum efferari. Atque hoc est
commentum illud quod tantopere tibi pla-
cuit. Ut autem intelligas, illud ob alias, præ-
ter jam dictas, causas, admitti non posse, ad-
do quod Herrera scribit dec. 3. lib. 4. cap. 18
Indigenas provinciæ *Vt latan*, quæ terminos
jungit cum *Guatimala* antiquitates suas in
libris pictis ostendisse ad annos octingentos
& supra; & ibid. cap. xix, Otomies diver-
sam gentem moribus & lingua Novam
Hispaniam incoluisse, antequam septem
illæ nationes ad Lacum venirent. Est & a-
liud non leve argumentum, gentes illas non
venisse è Norwagia, quod ante Hispano-
rum adventum nullum frumentum Euro-
pæum

pæum habuerunt, sed tantum Maizium a-
siaticis familiare. Item quod Mexicanii ma-
gnopere abhorruerint ebrietatem, & illam
publice castigarint, & infamia notarint eos
qui se inebriarent, ut notat ibid. cap. 15.
Quanquam haud ignoro omnes pene A-
mericanos ebrietati obnoxios esse. Sunt &
alia multa, quæ dissuadeant, credere gentes
illas omnes (præter Iucatanenses & alios
paucos) è Norwagia aut ex Germanica
prosapia ortos, quæ alibi explicanda erunt.

H. G.

Accepit, quod cur gentes plerique Americe-
cis Isthmum credantur ortæ ex Germania,
cujus veteris pars Norwagia est, attuli argumen-
ta, quæ si non carptim sumantur (id enim sophisti-
cum est) sed junctim, multum apud æquos judices
habebunt ponderis, præsertim ubi non opponuntur
validiora alia.

I. D. L.

Neque ego carptim tua illa argumenta
sumsi, sed singula per se examinavi, at-
que adeo tandem junctim ostendi nihil pon-
deris habere etiamsi omnia quæ illis genti-
bus tribuis adamussin sic se haberet. Attuli
quoque argumenta contraria, hactenus va-
lidiora, quia illa non refutasti. Potissimum
autem eorum est, non posse fieri ut omnes è
Germanis aut Norwagis orti fuerint, quia

Nova Hispania & vicinæ partes jam incolas suos habuerint ante quam Norwagi Groenlandiam adirent. Sed tibi nihil videtur validum quam quod ipse comminisceris, nec æquos judices putas, nisi qui secundum te judicaverint. Sed videamus cætera.

H. G.

Inter hæc magnum mihi certe est, quod sicut Islant, Frislant, Groenlant, Eftotilant, in lant excent, quod Germanica Lingua regionem significat, ita & regiones pene omnes quæ sunt in parte novi Orbis Septentrionali. Adscribam non pauca ex Herrera; Cibitlan, Apanaslan, Massasilan, &c. Aztlan, unde reges Motezuma majores numero octo.

I. D. L.

ATqui hoc argumentum omnium levissimum esse, ostendi multis rationibus. Hic autem obiter primo noto, land, non lant scribendum esse, si ortographia Germanica observetur. deinde, præter quod ante dixi in superiore Opere, non esse illa omnia regionum nomina, sed longe plura pagorum aut etiam oppidorum: & terminacionem illam in an Mexicanis familiarem quam maxime esse, etiam in aliis quæ cum terra cognationem non habent. Hic addo, etiam fluviorum nomina ipsis in lan desinere. ut Chimetlan, quem Gomara scribit in Papanua-

paluapan flumen descendere, quod hodie appellatur *Rio de Aluarado*. item *Tuixtlan*: & alia. Eandem rationem etiam obtinere in nominibus hominum, ut *Ixtacmixtlitan* nomen viri apud eundem, parte secunda pagina 28. Præterea in omnibus illis vocibus quæ regionem, provinciam, ut tu vis, opidum aut pagum, ut ego, notant, terminacionem non esse *lan*, sed *an*. idque probo ex Acosta lib.7.cap.2. ubi ait: Ay en aquella,, tierra dos provincias: la una llaman *Aztlan*,,, que quiere dezir *lugar de garças*: la otra il-,, mada *Teuculhuacan*, que quiere dezir tierra,, de los que tienen abuelos divinos. Vbi il-,, lum vides non minus in posteriore voce interpretari *tierra*, licet ibi non sit *lan*. Atque ut hoc etiam credas de priori, *Azatl* ipsis est *garça*, id est, ardea; atque haec est illa vox quam præ cæteris magni facis. Idem etiam patet in plurimis aliis vocibus, etiam extra provincias Mexicanis subjectas, & quæ alia lingua utuntur, ut in Mechoacan, quod nomen Herrera dec.3. lib.3. cap.9. interpre-tatur, *tierra de mucha pescado*.

H. G.

Quod autem ex duabus ultimis consonantibus posterior extrita est, id plane mirari non debemus, cum processus temporis in cœlo molliore tales vocum emollitiones quasi necessario secum ad-

C 4 ferat,

I. D. L.

IN priori dissertatione dixisti, *in omnibus illis vocibus Hispanorum pronuntiatio ultimam literam extrivit*: nunc vis videri hoc ab ipsis Mexicanis factum, utpote in molliori cælo degentibus. Non confitas tibi. Sed scito, illos in molliori illo cælo degentes crebro consonantium concursu uti, omniumque minime illam mollitatem præ se ferre; quod è vocabulis pene omnibus poteras discere quæ apud Herreram & alios legisti, & quæ ego notavi. Quid? an Galli aut aliæ nationes quæ emolliaverunt, in molliori cælo degunt quam Latini, quorum lingua corrupta fuit? aut Gallicum cælum jam mollius est quam olim fuit, quum easdem voces multo durius efferrent & scriberent quam hodie? aut Parisienses in molliori cælo degunt quam Vascones aut Hispani multi? Hominū mores molliores, præsertim aulicorum, etiam pronunciationem & scripturam molliorem faciunt, non cælum. Etiam nos Belgæ, quod non ignoras, linguam nostram multum emollivimus, uti & Angli, licet non in molliori cælo vivamus hodie, quam dudum.

H. G.

Sic & Norwegam si Hispanum pronuntiare sjubeas, Noribega dicet. I.D.L.

I. D. L.

Fateor, sed alia causa est, quia Hispani, Futi & Galli, W non utuntur, alioquin apud illos invenies voces multo duriores quam sit Norwega. Quid quod ne Norwagi quidem ipsi suam regionem Norwegam vocent, sed Norrige? Nos & alii qui mollius loquimur dicimus Norwegen, & Angli Norway. De urbe in America, à qua hoc argumentum sumferas, dixi in meis notis, ad quas tu nihil hic respondes.

H. G.

Nec illud Alavandorum nomen à Longobardis sive Lombardis longius abit, quam bipennis nomen Alabarde, quod veteres historiæ scribunt Lombarda, sicut à Saxonibus Sacx, à Francis Franciscæ dicta sunt armorum genera.

I. D. L.

Q Vomodo hæc se habeant, nolo anxie excutere; nimirum an Alabarde & Lombarda idem armorum genus sit; neque enim vocem Lombarda in Glossariis inventi, neque ipse, quamquam multa adjecerim vocabula, illud adhuc in veteribus historiis offendit: Sacx & Franciscam non dubito quin à nationibus quæ illis utebantur nomina acceperint: Verum primo tibi probandum erat istam gentem Alavandorum (in priori dissertatione Alavardos dixisti, atque

C 5 ita

ita etiam hic te voluisse credo) in America degere: dein consequentiam illam validam ostendere ad cognitionem originis demonstrandam. Nostrates dicunt Groots, Latini Arrogans; neque hæc vocabula longius abeunt quam illa quæ posuisti; num ergo quis recte ex eo concluserit , Belgas & Latinos ejusdem originis esse? Varia ejusmodi exco-gitari possunt , si quis velit otio suo abuti. Interea gentem illam Alavardorum adhuc quæro.

H. G.

Teut gentis conditorem , Deumque , dictum Germanicis gentibus, notum omnibus, & inde ipsi sibi dicuntur Teutschen , quod Latine scribitur Teutisci. Idem Deus Mexicanis. Negari id non debuit, cum testes habeamus & Herreram & Gomaram , qui res Cortesii diligenter perscripsit , & præterea Martyrem Anglerium : & inde lingua Totonaca apud Herreram , & nomen proprium Theutlille, ut olim apud Germanos Teutobocchus , & similia multa.

I. D. L.

Quid Theut sit Germanis , & quæ inde deriventur, scio: sed negavi Teut Deum esse Mexicanis: respondes, illud non debuisse negari, quia Herrera, Gomara & Martyr Anglerius hoc testantur. Debuisses verba illorum adscribere: nam hoc in illorum scriptis.

ptis reperire non potui, ne quidem illis locis, quibus agunt ex instituto de diis Mexicanorum. Invenio quidem apud Gomaram: al templo llainan Teucalli, que quiere dezir,, casa de dios: y esta compuesto de Teult que,, es dios, & de Calli que es casa : id est: *Templum vocant Teucalli, quod sonat domum Dei: & est compositum ex Teult Deus, & Calli domus.* Herrera dec.2.lib.6.cap.3.narrat, Hispanos à Mexicanis fuisse vocatos Teules, id est, Deos: & ibidem lib.7.cap.17, Llamavan al,, templo Teucalli, que quiere dezir casa de,, Dios: esta composita de Teutl que es dios ,,, y de calli que es casa. ita ut appareat, Deum,, generaliter appellasse Teutl aut Teult , non autem particularem aliquem suorum deorum *Theut.* Neque ignoras quæ Clariss. Cluxerus de Theut sit commentatus , qui hoc nomen derivat à veteribus Ægyptiis, quibus Mercurius eo nomine dicebatur:neque dubium est, Græcorum Θεος & Latino- rum Deus ab eadem esse origine. Quomo- do autem ab hac voce Teutl fiat Totonaca , non video, neque Herrera hoc dicit; sed re- gionem montanam quæ inter oram maris & Mexicam sita est scribit vocari Totona- cap, & montenses illic agentes Totonaques, quorum lingua diversa erat à Mexicana, ad- modum rudis , qualis & Otomiorum , nisi forte

H. G.

Vox Peque torrentem significans, in quam vi-
corum nomina desinunt, est apud Herreram.

I. D. L.

Ostendi in notis meis, Peque non signi-
ficare Mexicanis torrentem , sed illos
aliam vocem pro torrente usurpare: neque
Herrera contrarium dicit : locum indicare
oportet, si tibi credi velis: plurimorum qui-
dem locorum nomina desinunt in Tepeque
quod illis montem significat; nullam haec-
nus inveni quæ desinerent in peque non
præcedente te.

H. G.

Cætera vocabula ex Anglis scriptoribus ma-
xime sumsi : & non dubito quin plura dete-
eturum sit tempus & quærendi cura.

I. D. L.

PArum interest è quibus Scriptoribus
sumseris : ostendi enim in notis meis ad
dissertationem tuam , te illa sumfisse sine
delectu aut cura, & permiscuisse cum voca-
bulis quæ ad nationes pertinent longe à
Mexicanis remotas , atque adeo Australis
Americæ incolas, Peruanos & alios. Deinde
monui quoque, nihil facilius esse quam co-
gnatio-

gnationem aliquam , inter vocabula diversissimarum nationum , aut reperire aut ad tuum modum torquere: sed nullum firmum argumentum ex eo sumi posse ad originem nationum designandam. Nec dubito quin ii qui æ quo judicio rem perpendent mihi sint assensuri. Possem eo modo cōcludere, Congenses Æthiopas originem ducere à Germanis: *ua* enim ipsis est *van*: *tuat* quaedt: *munna* mond: *vanqui* van wie: aut etiam à Latinis , quia è , ipsis , est : *lumunicu* lumen: *Zulu* cælum. Quod autem subjungis; non dubito quin plura detecturum sit tempus & quærendi cura : tua intererat cum cura quærere , ut melius conjecturam tuam probares. Quis autem dubitat , Anglos Belgasq; cum multa vocabula observaverint , nequaquam omissuros fuisse , si qua congruentia cum sua lingua reperissent?

H. G.

ADdam & illud non spernendum in compositis nominibus apud Mexicanos , ut idem ille testatur , vocem quæ subjectum significat subsequi , præcedente adjuncto quo subjectum restringitur , quod in Germanorum vocibus compositis pene omnibus pariter se habere deprehendas.

I. D. L.

QVæso te annon & aliæ nationes præter Germanos eandem regulam sequuntur?

tur? annon Græcis idem mos est, & Peruani? ut, *Pacaritambo*, generationis domus; & similia?

H. G.

HYronibus Aihtaha pater: id quoque *vetus Germanicum* est Aita.

I. D. L.

Dixi jam ante, me non plane negare, aut vero absimile ducere, etiam gentes aliquas in Americam septentrionalem migrasse è Germania aut Norwagia, & hoc potissimum credi posse de populis illis qui proxime ad Arctum degunt; sed hoc mihi nequaquam verisimile videri, quod in dissertatione tua posuisti: *Omnes ferme populos qui cis Isthmum sunt panamæ ex Norwagia ortos arbitror.* Deinde etiam dixi non bene ex paucorum vocabulorum congruentia argumentum peti; nam *vatter* Germanorum eodem modo convenit cum πατής Græc. & Pater Latinorum: nemo tamen propterea concludat, Germanos à Græcis aut Latinis ortos: nam ut bene à viris doctis observatum fuit, ista vocum congruentia à multis causis contingere potest, atque etiam casu. ut vanum sit, te ex ejusmodi vocularum paucarum congruentia, gentium originem velle concludere.

H. G.

H. G.

Quod si ideo gentes illæ Germanicæ non sunt,
quia multa ibi vocabula reperiuntur non
Germanica, jam à nulla gente orti erunt, quia
vocabula illa cum nulla alia gente congruunt.

I. D. L.

Quis sanus ita argumentetur, gentes il-
las ideo non esse Germanicas quia mul-
ta ibi vocabula reperiuntur non Germani-
ca? tamen hæc ita profers, quasi ego ita es-
sem argumentatus. sed meum argumen-
tum est, quia nulla apud Mexicanos & alios
reperiuntur vocabula Germanica, aut ita
pauca ut eorum ratio non sit habenda; quia
& id in diversissimis gentibus reperitur.
Quis autem te docuit cum nulla alia gente
congruere? aut si quæ gens ita linguam mu-
tavit ut nullum vestigium illius linguae ap-
pareat qua majores illius usi sunt, an prop-
terea quis bene concluderet, è terra ortos
aut è cælo delapsos? Hæc sane lepida sunt,
& tamen in his ita tibi places, ut subjungas:

H. G.

Cui consequens est, ut credantur aut ab æterno
fuisse cum Aristotele, aut ex terris orti, ut de
Spartis fabula est, aut ex Oceano, ut voluit Home-
rus, aut aliquos ante Adamum fuisse conditos ho-
mines, ut nuper quis in Gallia somniavit. Si hæc
credantur, magnum video periculum pietati: si quæ
ego dixi, nullum plane.

I.D.L.

QVASI vero, nisi tibi credatur, omnes è Norwagia ortos, ad hæc absurdâ veniendum sit quæ hic congesisti sine ulla necessitate: aut plus ad pietatem faceret, credere originis esse Germanicæ, quia paucula, apud illos reperiuntur vocabula Germanicis vocabulis similia, quam credere ab aliis ortos; quia nequaquam verisimile est, si à Germanis orti essent, tam pauca aut nulla vocabula Germanica apud ipsos repertum iri: plurimi populi à Germanis orti, sed non dabis mihi ullum, qui linguam ita mutaverit, quin origo è lingua adhuc demonstrari possit: plures anni sunt ex quibus Anglo-saxones emigrarunt è Saxonia in Angliam sive Britanniam Insulam, quam quibus Norwagi à te dicuntur migrasse in Americam; tamen adhuc maximam partem eorum linguam esse Germanicam, possum demonstrare, licet dialecto differat. Plura ejusmodi exempla dari possunt de Germanis, & Scythis, & Slavis, aliisque. Annon licet ad eundem modum de Mexicanis credere, licet eorum linguam non possimus comparare cum alterius gentis lingua, quia ignoramus ipsorum linguas à quibus orti esse potuerunt: nam ab aliquo posteriorum Noachi ortos esse pie credimus.

H. G.

H. G.

Vere dixit Herrera, singulis prope vicis singulas fuisse linguas ante constitutum imperium apud Mexicanos: imo partim & postea.

I. D. L.

De singulis prope vicis Herreram hoc dixisse, numquam probabis: neque populorum illorum lingua mutata fuit aut exolevit post constitutum imperium Mexicanum: nam Chichimecarum & Otomorum lingua, quæ antiquissima est in illis regionibus, hodieque manet. sed multi populi præsertim qui viciniores & maxime obnoxii, bilingues fieri sunt coacti, & linguam populi dominantis discere, ne semper per interpretes agere necesse esset. quod & in Europa & Asia atque Africa contigisse notissimum est.

H. G.

Idque necesse est accidere ubi homines inter se segreges suspectique vivunt, ut notavit *Garcias Vega*, tum in *Peruana*, tum in *Floridæ Historia*. Idem de *Huronibus*, tantilla parte, dixit *Sagardus*.

I. D. L.

Etiam de aliis multis idem dici potest: neque ego hoc negavi: sed hoc dixi, quod tu quoque negare non debueras, è lingua argumentum omnium levissimum

D
duci,

duci, nisi exācte cum illa congruere demon-
stretur à qua originem ducere contendim-
us. Tu autem vis probare è pauculis vo-
cibus originis cognationem, cum tamen ad-
mittas, posse fieri, ut cum homines segreges
suspectique inter se degunt, lingua penitus
diversa fiat ab ea quæ ante fuit. Quum ita-
que videamus linguas illorum populorum
diversas esse, non magis necesse est credere
mutatas à Germanica, quam ab alia quavis
etiam ignorata: nam si mutata est, ab alia
aliqua mutatam necesse est, aut recens fa-
ctam.

H. G.

Veniamus ad morum indicia. Tacitus de Ger-
manis: Prope soli barbarorum singulis
uxoribus contenti sunt. Dicit idem de Massa-
getis Strabo, sed ita ut eos in ea re à ceteris Scy-
this distinguat. Nam à Scythis orti Getæ, quibus
singulis plurimas fuisse uxores idem Strabo Me-
nandri versibus probat. Et is mos mansit apud Tar-
taros tum magnæ, tum minoris Tartariae.

I. D. L.

Quid igitur vetat, si illis gentibus, de
quibus tu, singulis singulæ uxores fue-
re, eas à Massageticis deducere? aut etiam ab
aliis gentibus barbaris, vel etiam non bar-
baris? nam Tacitus non dicit, soli barbaro-
rum, sed, prope soli: & tu hic excipis Massa-
getas

getas inter Scythas; & ita etiam alia exempla inter barbaros possent reperiri. Pluresque hodieque barbari sunt, id est, moribus efferatis, quorum majores politiores fuerunt; nam quum homines segreges & suspecti inter se degunt, sicuti lingua, ita & mores mutantur. Vide autem quam parum tibi constes; priori dissertatione dixisti, apud Scythas ab omni etate usitatum fuisse plures univiro esse uxores; hic contrarium fateris de Scythis Massagetis; postquam hoc te monueram.

H. G.

VEtustissimi Septentrionalium Americanorum, teste Gomara, sunt Chichimecæ, Magatæ, Otomri, Pindes. His omnibus more Germanico singulæ uxores.

I. D. L.

PRIMO, quid necesse est dicere more Germanico, cum aliæ quoque gentes, & ut tu fateris, Massagetæ, eundem morem habuerint? hæc est manifesta petitio principii. Deinde Gomara non dicit, Chichimecas vetustissimos Septentrionalium Americanorum fuisse, sed vetustissimos incolas Novæ Hispaniæ seu Mexicanæ: & hoc conjecturam tuam evertit ut ante demonstravi, siquidem Chichimecæ jam ad Mexicanam venerunt dudum antequam Norwagi in Americæ

52 DE ORIG. GENTIVM
continentem venissent: idem quoque de
Otomis liquet. Gomara part.2. cap. *de las*
muchas mugeres: quum dixisset, Mexicanos,
præsertim opulentiores, multas uxores du-
cere; subjungit: Algunas provincias y ge-
neraciones hay, como son Chichimecas,
Mazatecas, Otomis y Pinoles, que no to-
mam, mas de una sola muger, y aquella no
pariente. Aunque tam bien es verdad que
los sennores y cavalleros toman quantas
quieren. Vbi Mazatecas mutasti in Maga-
tecas, forte ne cum Massagetas congruere
viderentur: & Pinoles in Pindes.

H. G.

Addit Tacitus exceptionem: exceptis ad-
modum paucis, qui non libidine, sed
ob nobilitatem plurimis nuptiis ambiun-
tur. Eadem plane exceptio est apud Herreram de
Honduris, Iacobum le Maire de Gallorum in Flo-
ridam itineribus, & apud Garcilam Vegam in de-
scriptione Floride. Is enim ipse Incharum nepos
qui de Peruanis, etiam de Florida scripsit, & qui-
dem accurate.

I. D. L.

Non opus est eadem repetere quæ in
prioribus notis dixi: scio, hanc exce-
ptionem apud multas gentes obtinere; &
liquet, apud multas etiam nationes australis
Americæ idem obtinuisse, & contra apud
plu-

plurimas septentrionales se habere: ita ut nihil certi ex his concludi possit. De Honduras falsum est Herreram hoc dicere. Dec. 4.lib.8.cap.3. tenian quantas mugeres querian: habebant tot uxores quot vellent. Ibidem cap.5. *Vsavan que en muriendo un hermano, las mugeres que quedavan viudas avian de yr à casa del otro hermano, y las avia de recibir por sus mugeres.* id est, defuncto uno germano, faminæ quæ viduæ erant factæ, ibant ad domum alterius germani, & oportebat illum eas in uxores accipere. Florida quam latissime patet, neque omnium Floridanorum eidem sunt mores, sed multum diversi. Galli tantum adierunt illos qui ad mare Germanicum habitant. Qui de Gallorum in Floridam itineribus scripsit, vocatur Iacobus le Moyne, non le Maire. Nihil ex hisce nuptiis concludi potest ad originem à Germanis probandā, ob rationes quas hic & alibi dixi.

H. G.

Habes ibi arma, arcus & sagittas, tribunalia contra aestus.

I. D. L.

De tribunalibus alibi jam diximus: arma arcus & sagittæ sunt penè omnibus incolis utriusque Americæ: quis ex eo concludat originis esse Germanicæ?

D 3

H. G.

Poenam adulterii eandem quæ apud Germanos in Tacito: Accisam crinibus, nudatam, coram propinquis expellit domo maritus. Arcus & sagittas etiā in Virginia Angli notarunt.

I. D. L.

De adulteris alibi respondi; & morte puniri apud multos barbaros, constat, præsertim apud incolas Novæ Hispan. Go-
, mara: La pena del adulterio era morte natu-
, ral. Paulo ante idem dixerat; divortia non
permitti sine conscientia Iudicum & sine
causa. Non raro tamen illos expellere uxo-
res sine causa & mandato Iudicum. Et illo
casu, Chamuscavan, inquit, les los cabellos
en la plaza por afrenta y sennal que no tenia
seso. Erat ergo hæc non pœna, sed injuria,
neque signum adulteræ, sed insensatæ. Vide
quam bene hæc ceperis. Neque hoc Ger-
manis proprium aut etiam septentrionali-
bus Americanis, sed recte à viro docto in
Notis ad Benzonem, hoc à diabolo, ut pote
à lege naturæ propagatum, obliterari non
potuisse, ut adulteria impunita tolerarent.
Arcus & sagittas nusquam desideres in to-
ta America. an propterea à Germanis or-
tos concludes? an non & Scythis & pluri-
mis Europæ, Asiæ, Africæ incolis eadem
arma usitatissima? fuerint ergo omnes qui
illis

illis utuntur à Germanis oriundi.

H. G.

Duodecim judices habes apud Herreram, sic
& apud Gothos olim.

I. D. L.

Sed non designas quibus populis illos
duodecim judices tribuat, aut quibus
verbis aut quo loco Herrera hoc dicat. cre-
do te de Mexicanis intelligere, de quibus
loquitur ad eundem modum quo Martyr
Anglerius, *decem aut duodecim*, ita ut certum
numerum non ponat, ut tu hic affirmas:
apud vicinos Tepeacas tantum quatuor no-
minat: & ita diverse apud diversos. Obiter
autem hic notandum quod in prioribus
meis notis præterivi; apud Anglos hodie
duodecim illos non esse ordinarios judices,
sed singulis vicibus & pro rerum aut loco-
rum, etiam personarum differentiis, illos
deligi & jurejurando astrungi ad unum ju-
dicium: quod nihil commune habet cum
Mexicanis.

H. G.

Nicaragua colonia est Mexicanorum: fur ibi in
servitutem addictus ei cui damnum dede-
rat: ignororum in milites, rupta arma. Habes ea-
dem in Gothorum & Longobardorum legibus, ubi
illa armorum ruptio dicitur Harniscare.

D 4

I.D.L.

NIcaragua satis ampla provincia est & longe remota à Mexica : an Mexicanii Reges suos in coloniam miserint ad hanc provinciam , & an ea, quæ hic dicas sine auctoritate, ita se habeant , neque affirmaverim, neque negaverim; nihil enim tale inventi apud Herreram. Sed ad id quod addis, eadem reperiri in Gothorum & Longobardorum legibus , & illam armorum ruptiōnem ibidem dici Harniscare; disquirendum puto . Harniscaræ vox legitur in legibus Longobardorum lib. 3. tit. 1. leg. 43. de his qui sine consensu Episcopi presbyteros in Ecclesia constituunt, vel de Ecclesiis ejiciunt, &c. aut illud bannum persolvant , aut aliam harniscaram sustineant. in veteri editione est ariscadam. Habetur eadem lex in Capit. Karoli M.lib. v. §. XLIII. & ibi legitur armiscaram. In capitulis autem quæ idem Karolus constituit anno 856, legitur Harmiscaram; sicuti & in capit. quæ constituit an. 869. In capitulis quæ Suessione constituta sunt anno 853, Harmiscaram. Amerpachius porro Harmiscaram putat esse unam dictionem & significare pœnam, ita ut sit etiam nostrum armscheer, hoc est brachii forceps aut vinculum, ut olim furca fuit servilis pœna. Doctissimus autem Henricus Spelmannus, eques Anglus , judicat,

non

non fuisse pœnam corporalem, sed mulctæ genus, durioris forsitan. Inter varias enim, inquit, lectiones legis Longobardicæ codex unus MS. pro eo quod dicitur, aut aliam harmiscaram sustineant, reddit, aut aliam mulctam sustineant. Quomodo cunque sit, nihil hic de armorum ruptione; aut de ignavis militibus.

H. G.

Narrat idem Herrera, servum factum, qui ancillæ se miscuisse. Quod ipsum quoque in Gothorum est legibus.

I. D. L.

QVid tum? an propterea sequetur, Mexicanos aut alios à Gothis oriundos?

H. G.

SOrorum filios heredes, non sanc alia de causa, quam quod certior ea cognatio, & infantes, ad amnem delatos, narrat post alios Benzo. Posteriorius hoc etiam Gomara.

I. D. L.

AD prius quod attinet, respondi in Notis, illud apud Mexicanos non habuisse locum. vide Herreram dec. 3. lib. 4. cap. 15. qui notat varios succedendi modos. Addo etiam, Malabarenibus id usitatum, ut notat Linscotius noster. Ad posteriorius etiam ibidem respondi, id Germanis non fuisse pro-

D 5 prium,

prium, sed cum aliis gentibus commune.
In America australi id etiam usitatum. Ita
ut nihil ex eo concludi possit ad originem
Germanicam demonstrandam.

H. G.

AD libertatis usque jacturam aleæ lusum
habet Herrera.

I. D. L.

A Pud Herreram illud invenire non po-
tui; sed Gomara hoc habet; sed addit;
id fieri ab hominibus infimæ sortis.

H. G.

VIcatim habitasse gentes illas, & Acosta, &
alii.

I. D. L.

Q Vid hoc ad rem? non omnes ita, & in-
primis non ita Chichimecæ, qui anti-
quissimi incolæ illarum regionum. etiam
australis Americæ incolæ vicatim habita-
runt, ut omnes testantur. quid ex his con-
cludas?

H. G.

TEmpora per noctes & lunas digesta, prope o-
mnes. Quæ omnia esse Germanica, negare
nemo potest. Pars autem Germanorum Norwagi.
Haec tenus de Norwagica origine.

I. D. L.

DE his jam diximus in notis ad primam
dissertationem; ubi ostendimus, illam
tem-

temporum putationem per noctes & lunas non fuisse propriam Germanis, sed cum multis aliis gentibus communem ; itaque nihil ex illa concludi ad originem Norwagicam probandam. Puto autem, si ratio ini- retur, illud tuum *prope omnes*, ad paucissi- mos venturum. Quid multa? quum jam ante probaverimus, Americam septentriona- lem dudum fuisse habitatam antequam Norwagi in Gronlandiam descenderent : & apud omnes constet, tam multas & diversissimas linguas obtinere , ita quidem ut in Guaxaca & Misteca haud magnis provin- ciis Herrera xiiii numeret , & vix ratio o- minium iniri possit : quumque gentes illæ tam diverso sint corporum habitu , mori- bus , cultu , sedibus : non potuerunt à solis Norwagis descendere.

H. G.

TRANSEO ad Æthiopicam. Circumcisos fuisse cum Hispani in illas terras venerunt , Iuca- tanenses & vicinos quosdam populos, tam multos testes habemus , ut id negare non sit hominis mo- desti ac verecundi.

I. D. L.

NEQUE ego id absolute negavi, sed dixi, id mihi non videri verisimile , & Her- reram qui post alios illos scripsit id omisisse. Fieri tamen posse ut ita fuerit ; nam narrat

Her-

Herrera, diabolum etiam præcepisse Mexicanis, ut idolum suum circumferrent, ut Iudæi arcam.

H. G.

Baptismum addit Martyr: Baptismo datum nomen regenerationis: administratum infantibus anno etatis tertio. Parentes ad id se parasse jejuno & secubatione: confitendi morem, unctionem in fronte, honestam sepulturam, fidem de iudicio universalis, Herrera. Hæc simul juncta alio referre non possum quam ad Æthiopas Christianos. nam & unctionem Baptismo accessisse, ut apud Christianos veteres, ita & apud Abasenos; notatum optimo scriptori Alvaresio.

I. D. L.

Primum negavi, Iucatanenses & vicinos illos Æthiopes fuisse. scriptores illi vocant Morenos, id est, fuscos; item nomuy Morenos, non Nigritas. Sed videamus verba Martyris. dec. 4. cap. 8. Notandum & aliud sanctitati tuae gratum futurum. Referunt, Pueros jam anniculos puellasque cum piis ceremoniis sacerdotes in templis, aqua in crucem cum urceolo capiti super injecta baptizare videntur: verba non percipiuntur; actus & murmura licet animadvertere: neque enim illi uti Maumetici aut Iudæi, putant eorum templo violari, si aliena legis quisquam eorum sacris intererit. Atque hæc non de Iucatanensibus, sed de Cempoalanis, qui lon-

longissime distant ab illis, & quos nemo re-
cutitos dixit, refert. Videamus porro quid
Herrera dicat dec. 4. lib. x. cap. 4. El Bau-,,
tismo solo en Yucatan se ha hallado en to-,,
das las provincias de neuva Espanna. y en,,
su vocablo quiere dezir nacer otra vez: te-,,
nian à ello tanta devucion, y reverencia,,
que nadie lo dexava de recibir; pensavan,,
que recibian en el una pura disposicion,,
para ser buenos, y no ser damnados de los,,
demonios, y consegñir la gloria que espe-,,
ravan: davafeles desde edad de tres annos,,
hasta doze: y sin el ninguno se casava: cli-,,
gian dia para ello que non fue aziago: am-,,
navan los padres tres dios antes, y abste-,,
nian se de las mugeres. Tratavan los sacer-,,
dotes de la purificacion de la posada e-,,
chando fora el demonio, conciertas cere-,,
monias, y estas acabadas, yvan los ninnos,,
uno à uno, y les echava el sacerdote un po-,,
co de mayz y encienso molido en la mano,,
y ellos en un brasero y en un vaso embia-,,
van vino fuera del peueblo, con orden al in-,,
dio que no lo beviesse ni mirasse atras: y,,
con esto pensavan que avian echado al de-,,
monio. Salia el sacerdote revestido con ve-,,
stiduras largas, y graves, y un hisopi en la,,
mano: ponian à los ninnos pannos blancos,,
en las cabeças, preguntavan a los grande-,,
cillos,

„cillos, si havian hecho algun pecado, y en
 „confessando, los apartavan à una parte: y
 „bendecia con oraciones, amagando les con
 „el hisopo y con cierta agua que tenian en
 „un hueso, les untava la frente, y las facio-
 „nes del rostro, y entre los dedos de los pies
 „y de las manos; y luego, se levantava el
 „sacerdote, y quitava los pannos à los nin-
 „nos y hechos ciertos presentes, quedavan
 „bautizados y acabava la fiesta en banque-
 „tes: y aliende de los tres dias, se avia de ab-
 „stiner el padre de su muger, nueve mas. Vi-
 des opinor te non omnia ex fide retulisse:
 sed nolo hoc à te exigere. Verum junge,
 quod Martyr dicit, *idolorum culturæ indul-*
gent: dec. 4. cap. 1. pueros puellasque ibi suis im-
molant diis. cap. 4. item Idololatras & recutitos
esse repererunt; pueros puellasque Zemibus immo-
lant. Sunt Zemes nocturnorum lemurum simula-
chia, quæ colunt. Quæ eadem & peiora adhuc
 illis tribuit Herrera. Vbi hæc junxeris cum
 antecedentibus, tum demum mihi dicas, an
 hæc tibi ad Æthiopas Christianos referenda
 videantur.

H. G.

Regnum Abesenorum pertinuisse adusque Ma-
 nicongum, testantur relationes Antwerpiae
 editæ anno CICOLVII.

I. D. L.

Dixeras in prima dissertatione, tibi videri Yucatanenses oriundos ab Æthiopibus Christianis; & mox, Abyssinorum eo tempore imperium ad Oceanum pertingebat. id ego in notis meis negavi umquam ad mare pertigisse Atlanticum aut oceanum illum; nunc tu dicis pertinuisse adusque Manicongum. quid hoc tibi velis, nescio. nam regnū Congense amplissimum est, neque umquam paruit Abyssinis; & tantumdem est ac si dices, Lotharingi pertinent adusque regnum Francorum, ergo pertingunt ad mare Gallicum. si has nugas dixerim, irascēris & me obtrestatorem vocabis. Sed judicent modesti & verecundi; & dicent, me verum dicere. Quæsivi admodum nuper è duobus domesticis regis Congensis an nossent Abyssinos, & an illis vicini essent? negabant. nam magis ad mare rubrum pertinent. Nec Alvaresius hic te quicquam juvabit: multo miuus qui de rebus Congensium scripsere.

H. G.

Nigris, id est, Abasenis & Nubis (fuere autem & Nubæ olim Christiani, ut Alvaresius, & alii nos docent) vetera fuisse commercia cum Oceani Æthiopici accolis, dicit Leo Afer. Et inde, nisi fallor, circumcisio in Caracomba insula, quæ est in ostiis fluvii Gabar, cuius rei testem habemus Linscotium.

I.D. L.

Singula examinemus : Nubæ olim fuere Christiani, ut Alvaresius & alii nos docent: ita est ; nam Ægyptum proxime attingebant. Nigritis vetera fuisse commercia cum oceani Æthiopici accolis, dicit Leo Afer. Et hoc verum est, sed non de omnibus. neque enim potest. Nam Nigritarum regiones se quam latissime intra continentem extendunt à mari Atlantico ad mare usque Rubrum : Nam ut dicit Leo Afer lib. 1. cap. Terra Nigritarum in sua regna distributio, dividitur & Nigritarum terra in multa regna. dein : vidi ego quindecim Nigritarum regna, sunt tamen & multo plura, quæ ab illis satis perlustrata atque nota sunt, quæ ego non invisi : eorum igitur nomina, sumendo ab occidente principium, atque orientem versus & meridiem pergendo, sunt hæc : Gualata, Ginea, Melli, Tombutum, Gagos, Guberis, Agades, Canos, Casena, Zegzega, Zanfara, Guangara, Burnum, Gaoga, Nubæ. Hæc sunt quindecim illa regna, quæ maxima ex parte ad Nigrum sita sunt, &c. Vbi vides, Nubiam extremam ad orientem collocari. Quale ergo est hoc tuum argumentum ? Nigritis commercia fuere cum oceani Æthiopici accolis, ergo Abasenis & Nubis. Non enim dicit Leo omnibus Nigritis commercia illa fuisse cum accolis oceani Æthio-

thiopici, sed de eis qui mare Atlanticum attingunt: à quo Nubæ & Abaseni longissime sunt remoti: Nubia enim conjungitur cum Gaogæ regno, quod habet ad occidentem, Nilum ad orientem, ad meridiem habet Goraniæ desertum, ad septentrionem Ægypti finibus terminatur, inquit Leo lib. 7. Vide quantis terrarum spaciis hoc regnum à mari Atlantico & Æthiopico distet, & non poteris non animadvertere quam male hic à Nubis argumenteris. Quid quod Leo non dicat Nigritas habuisse commercia cum Oceani Æthiopici accolis, sed cum maris oceani accolis. Gualatam autem, cuius primo loco meminit & à quo Nigritarum descriptionem orditur, à mari oceano circiter centum milliaribus dispescit. Pergis, & inde, nisi fallor, id est, ab Abasenis & Nubis, circumcisio in Caracomba insula, quæ est in ostiis fluvii Gabar, cuius rei testem habemus Linscotium. Flumen hoc in Africa situm est, & hodie vocatur Gabon; Linscotius vocat Gabam. Cur hoc nomen ita mutaris, nescio. Insulam vocat Caracombo: de incolis dicit; Mirari autem licet circumcisionis apud eos usum, cum tamen Legis, divinique cultus expertes sint. Quid autem necesse est credere, ab Abasenis aut Nubis accepisse; aut quid hoc ad institutum tuum?

66 DE ORIG. GENTIVM
H. G.

Obicitur & mihi & Martyri Anglerio, qui idem ante me sensit, magnum Oceani spatium, & quod Iucatanensis regio & quae ei sunt vicina, istis Æthiopiae partibus, non ex directo, ed ex transverso objacet.

I. D. L.

Negavi me usquam apud Martyrem id invenisse. denuo quæ sibi, nec occurrit. quare tu male hic Martyrem tibi jungis. oportuit enim primum ostendere ubi Martyr hoc dixerit. Sed parum interest: quid ad argumenta respondeas videamus.

H. G.

REspondeo, jactationes tam longinquas evenisse vi tempestatum.

I. D. L.

Sed ostendi, ut ut longinqua jactatio fuisset, non potuisse tam longo tempore durare tempestates: & si maxime durassent, non potuisse commeatum ipsis sufficere, & multas regiones prætereundas fuisse, & præsertim notissimas insulas quæ mari Mexicano objacent: nam Yucatana ultra omnes illas jacet. Deinde notissimum est, in mari Atlantico aut Æthiopico non accidere tam longas tempestates, quæ intra Tropicos concluditur: breves illæ sunt, trayados Hispanis; & naves magis cum malacia quam

quam cum tempestatibus conflicantur in illo Oceano.

H. G.

Testes sint Indi, quos diximus ad Germaniae delatos littora.

I. D. L.

DE Indis jam diximus. & nihil est simile in utroque casu, utcumque illud de Indis verum esset. nam si Sinenses fuerunt, ut tu vis, non intrarunt Oceanum Atlanticum, sed circum septentrionem navigarunt: longe autem diversa utriusque maris ratio.

H. G.

Avidamus & Tacitum de cohorte Vspiorum in Britanniam transmissa: Tres Liburnicas adactis per vim gubernatoribus ascendere, & uno remigante, suspectis duobus, eoque interfectis, non dum vulgato rumore ut miraculum provehebantur. Mox hac atque illac rapti, & cum plerisque Britannorum sua defensantium prælio congressi, ac sæpe viatores, aliquando pulsi, eo ad extremum inopiæ venere, ut infirmissimos suorum, mox forte ductos, vescerentur. Atque ita circumvecti Britanniam, amissis per inscitiam regendi navibus, pro prædonibus habiti, primum à Suevis, mox à Frisiis intercepti sunt.

E 2

I. D. L.

VErba sunt Taciti in vita Agricolæ ; nihil hic de tempestate ; gesta hæc in mari quod Bataviam nostram à Britannia dirimit : & vides in tam brevi navigatione coactos commilitonibus suis vesci. cogita ergo quid futurum fuisset, si Æthiopes ab Africæ ora ad Iucatanam venire coacti essent.

H. G.

Narrat idem , disiecta Germanici classe, partem navium deductam in novissimum & sine terris mare : alias ejectas apud insulas longius sitas: militem nullo illic hominum cultu , fame absuntum, nisi quos corpora equorum , eodem elisa , toleraverant. Alios in Britanniam raptos. Hos, ut ex longinquo revenerant, miracula narrasse , vim turbinum, & inauditas volucres, monstra maris , ambiguas hominum & belluarum formas.

I. D. L.

HIstoriam hanc describit Tacitus lib. II.
HAnnal. Sed æstate jam adulta , legionum aliae itinere terrestri in hibernacula remissæ , plures Cæsar classi impositas per flumen Amisiam Oceano invexit. Ac primo placidum & quor mille navium remis strepere aut velis impelli : mox atro nubium globo effusa grando ; simul variis undique procellis, incerti fluctus prospectum ademere , &c. & mare omne in Austrum cessit, qui tumidis Germaniae terris , profundis annibus , immenso nubium

bium tractu validus, & rigore vicini septentrionis horridior, rapuit disiecitque naves in aperta Oceani, aut insulas saxis abruptas, vel per occulta vada infestas. & post pauca: Quanto violentior cætero mari Oceanus & truculentia cæli præstat Germania, tantum illa clades novitate & magnitudine excessit, hostilibus circum littoribus, aut ita vasto & profundo, ut credatur novissimum ac sine terris mare, &c. Legat cætera qui volet, hæc tantum adscripsimus, ut æquus lector intelligat, quantum tibi permittas in authoribus citandis; nam cum ille tantum dicat, ut credatur novissimum, &c. tu absolute dicis, in novissimum & sine terris mare. Quum satis pateat de quo mari agat. Cæterum neque hoc exemplum quicquam facit ad probandum quod probare debueras: nimirum potuisse fieri ut sub zona torrida naves ab Africæ littore vi tempestatum impellerentur ad Iucatanam. Nam longe alia est ratio marium nostrorum, & tempestatum quæ in illis accidunt; & etiamsi Romani vel ad Islandiam fuissent disiecti, (quod tamen non est verisimile) nihil hoc faceret ad probabilem faciendam jactationem illam ab Africa ad Iucatanam.

H. G.

Adde jam multis gentibus morem suisse cum feminis navigandi, quod & Herreræ notatum.

E 3 I.D.L.

Ubi Herrera hoc dixerit, indicandum fuerat; & dixerit forte de Americanis, qui ab una insula ad aliam, aut à continente ad vicinas insulas navigant. Sed nosti, nobis, in notis ad Dissertationem tuam primam, sermonem fuisse de pescatoribus: eos enim ab ora Africæ proiectos & per ventos illos vehementes dixeras in Americam abreptos: ignarus etiam, iis qui ab ora illa solvunt difficile esse in altum provehi.

H. G.

Et solere propter maris incerta in multum tempus assimi commeatus.

I. D. L.

Ridiculum: quid opus pescatores, qui raro à conspectu terræ abscedunt, neque incerta maris timent, in longum tempus commeatus assumere? ad minimum in tres menses hosce assumisse oportuit, ut vitam tolerarent: explicandum itaque tibi, quantæ istæ naves pescatorum fuerint, quibus usi sunt.

H. G.

Tempestatibus quosdam in Americam delatos, etiam Acosta sentit.

I. D. L.

Neque ego dissentio, sed non pescatores néjusmodi, sed mercatores, qui longiori itineri

itineri se comparaverant, & commeatus in longinquam navigationem assumferant.

H. G.

Brasiliam tali casu inventam à Portugallis,
omnes consentiunt.

I. D. L.

Non est talis aut similis casus; classis illa Portugallorum Indiam orientis petebat, & commeatus ad longum iter vehebat; atque cum oram Africæ vitaret, uti adhuc hodie consuetudo obtinet, propius ad Americam insciens accesserat, ita ut non sit mirum illam ad Americam impulsam fuisse. Describit hunc casum Osorius lib. 2. de rebus gestis Emanuel. R. Interim vero Capralis, qui in Indiam navigabat, eundem cursum quem Gama tenuit, secutus est, donec ad insulam S. Iacobi devenit. Cum vero ulterius progredetur, coorta tempestate sævissima, classis dissipata fuit, & navis una, fractis armamentis, Olysonem rediit. Capralis sedata tempestate naves omnes recollegit, & versus occasum navigavit. Octavo Kal. Maii nautæ terram conficiunt. &c. Vbi vides, illum non tempestate in Brasiliam rejectum, sed quia, sedata tempestate, occasum versus navigaverat, cum versus Euro-
nothum debuisset, in illam casu incidisse.

E 4

H. G.

Probabile autem esse quod hic dixi, nec ipse qui contradicit, negare debuit. dicit enim ipse, quod de Cananæorum in Americam adventū dicitur, fidem meritum, si Cananæi ad oram Atlantici Oceani habitassent. Ad eam vero habitant æthiopes illi unde ego Iucatanenses ortos arbitror.

I. D. L.

Aethiopes illos Christianos ad oram matris Atlantici habitasse negavi, neque tu probasti. deinde longe alia est ratio Cananæorum de quibus agebatur, qui ad longiorēm navigationem se comparasse dicebantur, quam pescatorum quos vi tempestatum abreptos credis. deinde notæ sunt Sidoniorum navigationes, & habuerunt alia navigia quam lembos pescatorios.

H. G.

Et hoc forte voluerunt Chiapæ habitatores, cum suos majores ab Austro venisse dicerent. Nam æthiopia illis Americæ partibus ad Euronotum sita est.

I. D. L.

Perlevida sane conjectura. Num considerasti ubi Chiapa provincia sita sit? ea & mediterranea est, & continens Americæ, in qua sita est nobis ad Austrum. itaque ab Euronoto majores suos venisse oportuit si ab æthio-

Æthiopibus sint orti. Herrera de illis agens dec. 4. lib. 10. cap. 10, scribit, illos antiquitus venisse è Nicaragua, quam habent ad ortum aut Euronothum. Et provinciam sitam esse inter duo maria medium; ita ut ad occidentem habeat Tecantepec, ad meridiem Soconusco, ad arctum provinciam de los Zoques. Et ne tibi imprudenti hoc excidisse videretur, ipse addis, *Æthiopia illis partibus Americæ ad Euronotum sita est: doce nos ergo, quomodo Æthiopes ad Euronotum siti, ab austro venire potuerint ad Chiapam; aut ostende Austrum & Euronotum eundem esse ventum.*

H. G.

IN Mesteca sacra facta ritu & habitu Æthiopum, ait Herrera.

I. D. L.

Hic quoque te ratio fugit. Herrera dec. 3. lib. 3. cap. 3, describens mores illius gentis, inter alia refert, primates hæredes suos solere mittere in monasterium suorum sacerdotum, ut ibidem discerent obedire. dein addit: Passado el anno yuan por el con,, gran alegría y pompa, y poniéndole su pri-,, mer abito, le bolvian à su casa, y lo lleva-,, van à bannar, y cuatro donzelllas hyas de,, caualleros le labavan el cuerpo con xabon,,, porque yva muy negro del humo de la tea,,,

E s como

, como andavan de ordinario los sacerdotes
 , que parecian Negros de Æthiopia. Id est :
*Anno elapso illum repetebant cum grandi laticia
 & pompa, & vestitum priori amictu reducebant
 domum, & ducebant ad ablendum, & quatuor
 domicellæ filiæ nobilium abluebant illi corpus sa-
 pone, quia admodum niger erat à fumo tedæ, uti
 & sacerdotes communiter erant, ita uti videren-
 tur Nigritæ ex Æthiopia. Laya nunc tu
 hunc Æthiopem; aut ostende ubi Herrera
 dixerit, in Misteca sacra facta ritu & habitu
 Aethiopum.*

H. G.

BREREWODUS vero, scriptor diligentia etiam no-
 stro obrectatori laudatæ, ait, eos qui in Qua-
 requas sunt Americæ, vi tempestatum credi ejectos
 ex partibus Guineæ aut Aethiopæ.

I. D. L.

FVerit sane hoc ita ipsi visum, illud mihi
 non est necesse credere, non magis quam
 tibi, quod idem dicit, quare videntur, incolæ
 nimirum Americæ, originem habere ex Asia.

H. G.

NEque me lædit, quod Iucatanenses non sint
 nigro colore, ut Aethiopes. Solent enim cor-
 pora paullatim vi cæli novi degenerare à sua ori-
 gine, ita ut Portugallorum in India Asiatica sobo-
 les tertia, Indis eorum locorum similis fiat, quod
 Linscotio notatum.

I.D. L.

VErum meminisse debebas, candorem ab æstu facile infuscari, nigrorem non item à frigidiori cælo auferri: ita ut non sit mirum, parentibus sensim à sole adustis & fusco colore infectis, similes sibi liberos progenerare. Æthiopes etiamsi migrant in aliud cælum, colorem non mutare, notum est; neque color illis à cælo, nam alioquin etiam in Brasilia, quæ Æthiopiæ opposita est, homines itidem nigri nascerentur. Sed nolo hanc quæstionem jam attingere.

H.G.

ATque ita nunc, quantum tempora ferunt, absolvimus nostras de parte nobis propiore conjecturas.

I.D.L.

MElius fecisses, si maturius de iis deliberasses; nam nihil adhuc attulisti ferme, (præter ea quæ ante dixeras) quam crebra in me convitia, & miseras tergiversationes.

H.G.

FOs qui ad Austrum sunt venisse ex terris ultra fretum Magellanicum, non operosæ est probatio, cum Petrus Fernandes de Quir, productus ab obtrectatore, certus testis, dicat, qui Americanorum habitum & mores noverit, statim animadversurum magnam similitudinem inter eas nationes,

n̄es, ut maxime verisimile sit eandem esse originem. Et qui fretum Magellanicum pernavigarunt, testantur, paria utrinque corpora & mores.

I. D. L.

Verum est, eorum qui cis & qui ultra fretum illud degunt paria esse corpora & mores. ultra autem fretum plurimæ insulæ jacent angustis fretis diremitæ, neque admodum populosæ. Non de illis agit Petrus Fernandes de Quir, sed de aliis magnis insulis aut forte continente ad austrum: non enim adhuc constat, an continens sit, an vero insulæ. potuit autem continens illa facilius incolas accipere ab America, quam hæc ab illa. Verum hoc in medio relinquo. Neque enim hæc est quæstio inter nos. tu omnes incolas Australis Americæ ad Isthmum usque Panamensem inde venisse volebas præter Peruanos: ego vero dixi, nihil causæ esse cur separatio illa ad Isthmum illum constituatur. Nihil enim obstare quo minus potuerint ab una in alteram commigrare. Non negavi etiam, incolas à meridie, forte & oriente, venisse,

H. G.

ET apud Peruanos vetus erat fama, gentes illes ipsis ad Austrum obsitas, à multo australioribus locis venisse; & quidem, quod Acosta ait, mari.

I.D.L.

Hic iterum ratio te fugit, nec advertisti quid Acosta diceret. Lib. i. cap. 19: Ay,, en el Piru gran relacion de unos gigantes,,, que vinieron en aquellas partes , cuyos hu-,, essos se hallan oy dia de disforme grande-,, za cerca de Manta, y de Puerto viejo , y en,, proporcion avian de ser aquellos hombres,, mas que tres tanto mayores que los Indios,, de agora. dizen, que aquellos Gigantes vi-,, nieron por mar &c. Id est : *Est in Peruvia,, grandis fama Gigantum, qui venerint in illas partes, quorum ossa inveniuntur hodieque deformis magnitudinis circa Mantam & Portum veterem, & secundum proportionem oportet triplo maiores fuisse quam Americani hodie visuntur. Aiunt illos venisse mari, &c. Si jam placeat in spicere tabulas Geographicas, deprehendes, Mantam sitam in Peruviae parte maxime septentrionali, & te perperam dixisse, gentes illas ipsis ad austrum obsitas, à multo australioribus locis venisse, secundum Acostam. Sed idem est error qui supra : Et nimium festinanti hæc excidunt.*

H. G.

Quod si à freto Magellanico pone fretum Lamairii continuus est terrarum tractus ad easque loca, quæ Gilolum & Iavam respiciunt, ut multos suspicari video, & sacris scripturis credimus,

mus, ex Asia primum ortum omne humanum genus, unde potius quam ex ipsa India Asiatica venisse credamus illos qui magnam illam terram Antarcticam incolunt, in omnem partem me versans cogitare nequeo.

I. D. L.

NEque ego contra id tetendi, sed incertum esse dixi, quemadmodum neque tu id certo asseveras. Ex Asia in utramquæ Americam venisse credo; & à Tartaria semel in continentem Americæ ingressis nihil obstat quin terra possint universam permeare. Sed suspendo judicium in re tam obscura.

H. G.

IN India Asiatica fuisse homines giganteæ magnitudinis, docet nos Bartolomæus Leonardus Argensola. Tales & in Americæ parte austrina fuisse, & fama prodidit, & ossa reperta, teste Witflitero: & nunc quoque non pauca corpora molis eximie. Venisse eos à locis trans fretum Magellanicum, ait Herrera. Ad fretum Mairianum visa itidem magna molis corpora, testantur qui de iis locis relationem fecere. Nec quicquam adferri video quod nostram hac de re conjecturam convellat.

I. D. L.

FVisse aliquando in orbe gigantes, S. Scriptura testatur; neque quicquam vetat credere,

credere, etiam in India Asiatica fuisse. quamquam quod hic Argensolam testem producis, id in illius libris quos scripsit de Maluccis non repperi, quamquam diligenter illos legerim. meminit semel atque iterum gigantum, sed ad fretum Magallanicum & uno loco ad marginem adscriptum, *Gigantes Indios*; quod credo aut te aut illum qui tibi suggessit decepisse. De Herrerae testimonio jam diximus. Et per me licet ut conjectura illa tua fruaris. Verum, quod in prioribus notis monui, etiam in septentrionali America ossa gigantum reperta; & sunt in illa hodieque non pauca corpora eximiæ molis.

H. G.

Non magis temerarium videri potest, quod Peruanos, ut alterius ingenii, ita & alterius originis esse credidi, & quidem ortos ex Sinensis. Sinenses quippe, ab antiquo sedulos nava-
tores, loca quamvis longinqua mari quæsiisse, & Xaverius & alii commemorant.

I. D. L.

Multis rationibus in meis notis ad tuam primam Dissertationem ostendi, cur id minus verisimile videatur. nam si argu-
mentum sit, quod Peruani alterius ingenii fuerint, quam reliqui incolæ illius austrinæ continentis, etiam Mexicanî longe elegan-
tioris

80 DE ORIG. GENTIVM

tioris & politioris ingenii fuerunt quam reliqui incolæ Novæ Hispaniæ: & minus temerarium foret illos à Sinensibus deducere, & scribendi aut res gestas notandi modus melius convenit. In neutra tamen parte inventa fuit illa industria qua Sinenses pollent; quod ab Hispanis observatum. Sinensibus antiquitatem navigandi in illis partibus Asiæ deberi, in confessu est, neque negavit illos etiam ad partes longinquas navigasse in mari illo Indico cui adjacent, sed dixi minus probabile esse illos navigasse in Peruviam, quia difficillima est navigatio in mari pacifico versus ortum, & longissima: ita ut ne hodie quidem, cum ars navigandi adolevit, à nationibus multo peritoribus in illa arte fuerit tentata nisi longo circuitu; nam qui à Philippinis ad Novam Hispaniam navigant, versus Arctum primum coguntur descendere, antequam secus Californiam emitantur: & qui à Nicaragua versus Peruviam navigant, secundum oras velificant, & longo tempore opus habent ut optatos portus attingant.

H. G.

Solitos eos sine pyxidis nauticæ auxilio maria transire, Acosta. Itaque nihil mirum, si multum querendo, ex sua continente in insulas, ex insulis in oppositam continentem devenerint, ibique oram

oram legendo pervenerint ad occiduas Peruanas partes, & inde ad Titicacam.

I. D. L.

Quod sine pyxidis nauticæ auxilio maria transire soliti fuerint antiqui, ut & Sinenses, id Acostæ argumentum est, temerarium esse credere, veteres tam vastum Oceanum enavigasse. Tu contra ex illo concludis, non videri mirum; adjungens pertinaciam ad sensum quem semel tibi formasti. Continens illa, aut insulæ quarum oram legisse illos dicis, ad minimum adhuc septingentis aut octingentis leucis distat ab America australi, ubi vel proxime accedere creditur. Si ad Tititacam pervererint, terra venisse necesse est; nam nusquam ille lacus accedit ad mare. Hæc omnia non sunt nisi vanissimæ conjecturæ, & quibus nihil erat opus.

H. G.

Nam certe de Sinensium navigiorum reliquiis testem habemus Martyrem Anglerium.

I. D. L.

In Dissertatione tua priori dixeras, ad oram Pacifici maris repertas reliquias navigiorum Sinensium; ad id respondi, mare illud latissime patere ad fines usque Californiæ & porro; sed de Peravia faisse probandum: nunc in genere confirmas ex Anglerio de

F. navium

navium Sinensium reliquiis, neque indicas ubi Anglerius hoc dixerit: qui non potuit de Peruviæ littoribus hoc dicere, quum ne meminerit quidem usquam Peruviæ; absolvit enim decades suas ad annum 1526, cum Peruviam nondum adiisset Pizarrus. Hæc mera tergiversatio est.

H. G.

ICæ quoque & Aracæ habitatores, ut Acosta refert, dicebant, olim navigatum illud quod ad occidentem Americæ est mare.

I. D. L.

„ **V** Ide quo modo: Acosta lib. I. cap. 19.
 „ Tambien quentan los Indios de Yca y
 „ los de Arica, que solian antiquamente na-
 „ vegar à unas Islas al poniente muy lexos, y
 „ la navegacion era en unos cueros de lobo
 marino hinchados. id est. *Itidem narrant*
Indi Yca atq; Aricæ, solitos se antiquitus navigare
ad certas insulas ad occasum longissime, & navi-
gatio erat in pellibus luporum marinorum infla-
tis. Quam longum iter hoc esse potuerit,
judicent lectores. Et tamen ejusmodi ar-
gumentis pugnas, ut evincas, minus teme-
rarium esse credere, Sinenses ad Titicacam
venisse.

H. G.

Mari eo ventum ante Hispanorum tempora,
 docent & Garcias & Benzo. Pari modo
 ad

ad Canarias venere Genuenses anno Christi millesimo trecentesimo quinto.

I. D. L.

QVis sit ille Garcias, ignoro, nisi forte sit Gregorius Garcias dominicanus, qui scripsit Hispanice *Origen de los Indios*, ann. 1607, quem nondum vidi: apud Benzonem non memini me quicquā tale legisse. Quam apte autem hic Genuenses in scenam producuntur? Genuenses inter primos & navium mole & navigandi peritia inclaruerunt. Neque multum est ad Canarias navigasse, quæ non tam longe absunt à continente, quam Sinenses à Peruvia.

H. G.

Neque obstat quod Peruani mirati dicuntur Hispanorum naves. Multum enim illæ & forma & magnitudine à Sinensibus differebant.

I. D. L.

NAves illæ Hispanorum, quas Peruani mirati dicuntur, forma quidem, non mole à Sinensium navibus differebant; nam primas illas Pizarri haud ita grandes fuisse satis constat, quippe quas ad oram Panamæ fabricaverat. Et nondum probasti Peruanos Sinensium naves vidisse: quas etiam magnæ molis fuisse necesse est, si tantum Oceani spatium enavigarint. Et veliferas esse Sinensium naves constat; Peruani autem

84 DE ORIG. GENTIVM
vela maxime mirati dicuntur.

H. G.

NE Colchi quidem sine navibus Phasim transibant. Et tamen Colchus, qui Argo navem viderat, apud Actium novitatem rei his verbis exprimit:

— tanta moles labitur
Fremebunda ex alto, ingenti sonitu & spiritu :
Præ se undas volvit : pelagus respergit : resflat :
Ita ut interruptum credas nimbum volvier ;
Aut quod sublime, ventis expulsum rapi
Saxum : aut procellas, vel globosos turbines
Exsistere ictos undis concursantibus :
Nisi quas terrestres pontus strages conciet :
Aut forte Triton fuscina evertens specus,
Subter radices penitus undanti in freto
Molem ex profundo saxeam ad cælum eruit.

I. D. L.

Credis ne Actium adfuisse quum Colchus ista effunderet? bene est quod jam ad Poëtas & florum sparsionem venimus.

H. G.

PRæter ingenii ac regiminis congruentiam notavimus & alias similitudinis notas.

I. D. L.

DE regiminis congruentia nihil tu aliud din priori Dissertatione dixisti , quam ingenia eorum imperii capacia fuisse ; quod & de Mexicanis dici potest : præter monarchiam,

chiam reliqua regiminis forma quoque comparanda fuerat, ut obtineres quod volebas.

H. G.

IN Sinis Solis frequentem fuisse cultum testantur Iesuitarum literæ. Et Iaponensium mos est per solem jurare. Eundem cultum in Peruana fuisse unicum, docet nos ille ex Incharum genere Garcilas, & quicunque de rebus Peruanis scripserre. Nam si qui sapientiores majus aliquod Sole agnovere numen, id intra animum fuit, sine ullo cultu conspicuo. Et tales etiam in Sinis & Iapane reperti sunt quidam.

I. D. L.

REspondi ad ea quæ hic reponis ; omnibus pene gentilibus cultum Solis familiarem fuisse, neque hoc arguere originem Sinensem. Vallis quoq; Tuniæ & finitimorum locorum incolæ Solem ut præcipuum numen colunt : inquit Benzo lib. 2. Qui diversi sunt à Peruanis, & Novi regni Granatensis incolæ. Docui præterea, Peruanos præter Solem coluisse Pachacamae, Creatorem omnium ; idque non sapientiores & in animo tantum, sed in templo, & quidem omnium pene magnificetissimo. Ad quid ergo hæ tergiversationes ?

Figuras rerum apud Peruanos agnoscit idem
ille Garcilas, non in nodis illis & filamentis, sed
in parietibus. Monumenta rerum per figuras vice
literarum apud Peruanos & Herrera.

I. D. L.

Non satis meministi quid priori differ-
tatione dixeris? Scriptura Peruanis non
per literas, sed per rerum notas, idque à summo
chartæ ad imum, ut in Sinis. Quid ad illa re-
sponderim, videat & quis Lector. Nunc tu
nobis figuræ adfers in parietibus pictas ex
Garcila. Author ille jam nō est ad manum,
sed dicam quod Acosta de his notaverit lib.
 „ 6. cap. 8. Los Indios del Piru antes de venir
 „ Espanoles, ningun genero de Escritura tu-
 „ vieron, ni por letras, ni por caracteres, o
 „ cifras, o figurillas, como los de la China, y
 „ los de Mexico, mas no por ello conservar
 „ on menos su cuenta para todos los nego-
 „ cios de paz y guerra, y gobierno. Porque
 „ en la tradicion de unos à otros fueron muy
 „ diligentes, y como cosa sagrada recebian, y
 „ guardavan los mocos, lo que sus mayores
 „ los referian, y con el mismo cuidado lo en-
 „ sennavan à sus successores. Fuera desta di-
 „ ligencia suplian la falta de escrituras y le-
 „ tras: parte con pinturas como los de Mexi-
 „ co, aunque las del Piru eran muy grosse-
 ras

ras y toscas : parte y lo mas con Quipes. Id est. Peruani ante Hispanorum adventum nullum genus Scripturæ habuerunt, neque per literas, neque per characteres aut cifras aut figuræ, ut Sinenses & Mexicanæ, nihilominus conservabant suas rationes in omnibus rebus pacis & belli atque regiminis. Quia in traditione ab unis ad alteros valde erant diligentiores, & veluti rem Sacram recipiebant & conservabant juniores, quæ à majoribus ipsis referebantur, & pari sollicitudine posteris suis tradebant. Præter hanc diligentiam, supplebant defectum scripturæ & literarum per picturas, ad eundem modum quo Mexicanæ, licet Peruorum essent magis grossæ & ineptæ : partim & potissimum per Quipes. Eadem habes apud Hierteram, qui lubenter Acostam sequitur; neque puto, si quis rem recte æstimet, quenquam in hisce rebus esse fide digniorem, qui-que diligentius & coram ista examinaverit.

H. G.

ET Mexicanos ait ab imo ad summum scripsisse: alios Americæ à summo ad imum, quod scitur esse de moribus Sinensium. Libros in Americæ partibus quibusdam fuisse vult Benzo.

I. D. L.

A Costa lib. 6. cap. 9. Los Chinos no.,
A escriven ni como los Griegos, ny co-,
mo los Hebreos, sino de alto à baxo : por-,
que como no son letras, sino diciones ente-,

F 4 ras,

„ras, que cada una figura o carácter, significa
„una cosa, no tienen necessidad de travar
„unas partes con otras, y assi pueden escrivir
„de arriba à baxo. Los de Mexico por la
„misma razon no escrevian en renglon de
„un lado à otro, sino al reves de los Chinos
„commencando de à baxo yuan subiendo, y
„de esta sorte yuan en la cuenta de los dias, y
„de lo mas que notavan. Aunque quando
„escrevian en sus ruedas, o signos, commen-
„cavan de en medio, donde pintavan al Sol,
„y de alli yuan subiendo por sus annos hasta
„la buelta de la rueda. Finalmente todas
„quatro differencias se hallun en escrituras:
„unos escriven de la derecha à la yzquierda:
„otros de la yzquierda à la derecha: otros
„de arriba à baxo; otros de à baxo arriba:
„que tal esla diversidad de los ingenios de
„los hombres. Id est. *Sinenses non scribunt
neque sicut Græci, neque sicut Hebræi, verum à
summo ad imum: nam quum non sint literæ, sed
integræ dictiones, ita ut singulæ figuræ aut cha-
racteres significant unam aliquam rem, non est
nec esse ut partes conjungant, sed licet illis scribere
à summo ad imum. Mexicanæ propter eandem
rationē non scribebant ad lineam ab uno latere ad
aliud, sed contra quam Sinenses ab imo incipientes
adscendebant, & ad eum modum agebant in cal-
culo dierum, & aliis quæ notabant. Licet cum
scri-*

scriberent in rotulis suis, aut orbibus vel signis, ordiebantur à medio, in quo pingebant Solem, & inde ascendebant per annos usque ad curvaturam rotæ. deniq; quatuor istæ differentiæ reperiuntur in Scripturis: alii scribunt à dextra ad sinistram; alii à sinistra ad dextram: alii à summo ad imum; alii ab imo ad summum: quia talis est diversitas ingeniorum humanorum. Eadem invenies apud Herreram. Male autem cepisti mentem eorum quæ postremo loco dicuntur: non enim hoc voluit, alios Americæ populos à summo ad imum scripsisse: sed hanc omnino diversitatem inter homines inventiri. quare illo capite non meminit aliorum, quam Hebræorum, Græcorum & Latinorum, qui diverso modo ab uno latere scribunt: Sinensium & Mexicanorum, qui itidem contrarium modum servant. De libris Mexicanorum & vicinorum Martyr & alii multi; de Peruanorum libris haec tenus nemo. Perbellè autem argumentaris; Libros in Americæ partibus quibusdam fuisse vult Benzo: ergo & in Peruvia fuerunt. apud quos fuerint, Acosta, Herrera & alii tradunt, nempe apud Mexicanos & vicinos septentrionalis Americæ incolas: in Australi nulla librorum mentio apud authores quos viderim.

Diversoria publico sumtu viis apposita, quibus iter facientes exciperentur, notat apud Sinenses Mendez Pinto, apud Peruanos Garcilas.

I. D. L.

PEr totam pene Asiam ejusmodi diversoria invenias, ut hoc non probet originem Sinensem.

H. G.

Linguane nec apud Sinenses quidem una. Et apud Peruanos, ut apud Floridanos, multiplex olim ob familias segreges, quod notatum est Garcila & Cieca & aliis. Et Incharum familiae alia lingua quam subditorum. An aliqua sit vocum consonantia, is demum dicere poterit, qui omnes Sinensium & omnes Peruanorum linguas noverit.

I. D. L.

Piru nomen ab Hispanis impositum, ex levi aliqua causa, ut etiam multis aliis locis, Yucatan, quia incolæ ad interrogata responderant, Yucatan; quod ipsorum lingua sonat, Non te intelligo, teste Martyre Anglerio. Et alia multa nomina ab Hispanis ad illum modum indita passim occurunt. In vasto autem illo terrarum tractu, quem jam Piru vocant Hispani, quam plurimæ linguae fuerunt, sicuti & in aliis partibus Americae. Quemadmodum autem Mexicanæ monarchæ in provincias subditas suam lin-

linguam introduxerunt, non tamen nativas singulas aboleverunt; ita & Peruani monarchæ Cuscensem linguam, quæ aulica erat, non familiæ tantum ipsorum propria. nam Hispani cum illam primo adirent regionem, imperio Incharum jam diu stabilito, in provinciis singulis peculiares linguas adhuc invenerunt, quæ necdum ubi indigenæ supersunt abolitæ sunt. Nam & magnum terrarum spacium occupavit lingua Aymara; quæ hodieque obtinet, ita ut Fr. Ludovicus Betonius grammaticam illius ediderit Ann. cīcīcī. Vti & Quichia, cuius Vocabulariū edidit Didacus Gonzalez Holguin anno cīcīcvī. Valde autem diversas fuisse illas linguas, ex paucis vocabulis quæ per occasionem ab Hispanis sunt prodita, satis liquet. Et verum est, nos has, siquidem illas ignoramus, non posse inter se comparare. Eadem ratio etiam apud alias gentes obtinuit & adhuc obtinet. Apud Sinenses licet ad eundē modum non una est lingua, Scriptura tamen, quia characteres sunt res significantes, ab omnibus intelligitur, qui characteres callent. Quid autem ex eo colligas? sane nihil minus, quam Peruanos à Sinensibus ortos, quia diversas linguas habuerunt, & unam aulicam, siquidem hoc etiam alibi reperitur.

H.G.

Hac ideo attuli, ut ostenderem probabilia esse quæ mihi in mentem venerant. Neque enim pro exploratis ea obtrudo. Iterum dico, si quis certiora adferat, habiturum me ei gratiam. Sed agat ut inter bonos fieri oportet, non vitilitigorum more.

I.D. L.

Neque ego aliter egi quam inter bonos agier oportet. Ostendi multis rationibus, ea quæ tibi in mentem venerant non esse probabilia. Tu autem tam iracunde, tam contumeliose ea accepisti, ut cum sperassem, te mihi gratias habiturum, me indignis modis exagitaveris, & male dixeris mihi pene singulis paginis: quod non est agere ut inter bonos oportet. Atque ut omnes sciant, me nihil pro vitilitatore aut obtrectatore egisse, hic aperiam quid me moverit, ut Notas meas publico darem. Octo circiter mensibus, antequam Dissertationem tuam priorem ederes, illa mihi scripta sine nomine authoris à cognato tradita fuit, qui dicebat, se rogatum ut mihi illam daret legendam & expendendam: neque tamen tunc indicabat à quo acceperat aut cuius esset. Legi obiter: & cum animadvertissem, multa in illa esse quæ aut non erant vera, aut non satis probabantur, breviter

ter illa annotavi, atque ipsi tradidi, una cum libris Acostæ lingua Hispanica, & Vocabulario Mexicano, opinatus, esse authoris qui in Hollandia degeret, aut forte Hagæ, unde ipse attulerat. Postilla cognovi, tuum esse fœtum, & à Fratre tuo Cognatum illum meum accepisse. Cum autem jam sub tuo nomine in lucem Dissertatione illa prodisset, & huc veniret, arripui illam statim, avens scire, an Observationum mearum aliquam rationem habuisses. Videns autem, nihil à te, quantū meminisse poteram, (neque enim exemplar Observationum mearum servaveram,) esse mutatum, non putavi te in malam partem accepturum, si paulo diligentius examinarem, quid probabile aut secus tibi in mentem venisset. Fecique illud modeste, & veritatis indagandæ studio, non te vellicandi aut irritandi. Iudicente jam æqui Lectores, an ulla culpa in me hæreat, & an tu mihi gratiam habueris. Nam ingenue testor, si vel tantillum mutasses, aut saltem aliquam rationem eorum quæ amice monueram habuisses, numquam me verbum de hac re faisse facturum, sed contra, si id postulasses, lubenter omnia cogitata mea fuisse subministraturum. Alia enim sunt studia mea: neque desidero cum quoquam contendere de iis, quæ sine detimento

dei

dei in utramque partem disceptari possunt.
Et quod nunc respondeo, coactus facio: At
in posterum in hoc certamen non amplius
descendam: sed patienter tolerabo quæ-
cunque in me effuderis.

H. G.

Errorem unum, quem multi errant, & qui huic
inquisitioni obstare multum potest, evellendum
mibi judico. Is est existimantium, statim à Noë
temporibus, aut à Babylonicae turris extirpatione,
in omnes terrarum partes diffusum fuisse huma-
num genus. At non ita se res habet. Et illi qui a-
pud Mosem nominantur populi, circa Armeniam
Syriamque sunt, aut non longe inde. Scythæ mul-
to post, impellendo alii alios, venere ad septentrio-
nalia Germaniaæ, id est, in Scandziam: unde ori-
go cæteris Germaniaæ populis. Sed de hac re nihil
nunc dicam amplius: sed liberaliter satis hanc
rem tractabo in Antiloquio ad res Gothicas.

I. D. L.

TEcum sentio, non statim à Noë tem-
poribus, aut etiam à Babylonicae turris
extirpatione, in omnes partes diffusum fui-
sse genus humanum: qui enim poterat in o-
mnes? sed tamen credo, statim post illam
linguarum confusionem migrandi exor-
dium factum; & quidem maxime versus
septentrionem, quia monumenta hoc te-
stantur: licet fatear, me rationes intelligere
non-

nondum posse, ob quas hoc potissimum sit factum: atque interea credam, etiam versus alias mundi plagas promovisse. Non dubito quin in Antiloquio tuo rationes migrationū sis explicaturus: quas lubens videbo.

H. G.

Neque vero in America ulla sunt vestigia, quae nos ad origines ducant antiquiores iis quas adsignavimus.

I. D. L.

IMo sunt, ut superius de Chichimecis & ipsis Mexicanis ostendi; nisi authoribus qui ista tradunt fidem derogandam putas: nam illorum antiquitates aliquot centenariis tuas excedunt.

H. G.

MAntissæ loco alia quædam libet annotare, non quod ad argumentum nostrum faciant, sed ut obtrectator ab alienis reprehendendis ad sua corrigenda se convertat. Pyxidis nauticæ mentio non reperitur ante annum millesimum ducentesimum & sextum.

I. D. L.

QVid ego hic corrigam? nihil dixi de pyxidis nauticæ prima mentione apud Europæos: fassus sum, illius usum in Europa haud ita antiquum esse: sed multa potuisse esse apud Africanos & Asiaticos, de quibus mentio apud nos nulla ante fuit.

H.G.

Machinas illas igniarias, quibus pridem belantes utuntur, non esse in Sinis, testantur Iesuitarum literæ anni c i o i o c xxi. At sunt in locis vicinis Persidem respicientibus: eo à Persis venere: ad Persas à Turcis: ad Turcas à Venetis, qui machinus talibus usi jam anno millesimo trecentesimo octavo.

I. D. L.

Communis opinio fuit, Tormentariam diu apud Sinenses fuisse: & legeram apud Fr. Ioannem Gonzalez de Mendoza in historia Regni Chinæ lib. 3. cap. 15. Inter multas res dignas consideratione, nulla Portugallis, quum primum commercia exercere capissent in urbe Cantonensi, & nostris Castellanis, qui postea è Filippina Insula transferunt in Regnum Chinæ, majori admiratione digna visa, quam restormentaria ibidem inventa: manifeste enim liquet, longe antiquiorem esse in illis partibus quam in Europa, ubi primo innotuit anno salutis M C C C - x x x. &c. Et post pauca; Laudant illius inventorem Vitei primum Sinensium Regem. & licet hoc minus credibile videatur ob antiquitatem illius Regis, certissimo tamen credere licet, Sinenses in expeditione ad regnum Pegu subjugandum ante annos mille quingentos tormentis fuisse usos. Addit ibidem testimonium Capitanei Artiedæ ex Epistola ad Hispaniarum Regem,

&

& alia. Ut cuivis mirum videri possit, Iesuitas scribere, machinas illas igniarias, quibus pridem bellantes utuntur, non esse in Sinis; quum & Portugalli & Castellani se illas vidisse profiteantur, & quidem hi in relatione ad Regem suum. Citas literas Iesuitarum anni 1515 CXXI, quas non vidi: sed in literis anni XX hæc scribunt: *Historiæ bellicorum funditores conquisierunt, & è Fokiana provincia se reperisse crediderunt, quod ii se hujus artis peritos ex commercio forte cum insulis Philippinis esse jactarent. verum cum pulvere ferreaque glande probarentur, crepuerunt. ideo forte quod temperamentum ignorarent. Sinæ quippe tametsi æreas campanas fundunt affabre: tormenta tamen bellica non nisi ferrea, eaque breviora noverunt. E quibus patet quam bona fide scriptores cites.*

H.G.

Typographiam ante Portugallensium adventum Sinenses non habuere. Nam totas tabulas figuris incisas imprimere in materias molliores, res vetus est ferme ubique. Typographiam autem cum dicimus, intelligimus figuræ singulas as solidas seorsim adsumtas & certo ordine inter se compositas, atque ita impressas chartæ: de quo reperto inter Moguntiacenses & Harlemenses controversia est.

G

I.D.L.

CVm Typographiam dixi, intellexi prima illius rudimenta, & modum quo officia Ciceronis & alia quædam expressa leguntur. non enim noveram aliud nomen unum quo exprimerem. Hanc Sinenses non habuisse ante Portugallensium adventum, probandum erat, non pro authoritate dicendum. **Q**uis autem fuit ille Portugallensium adventus, aut quomodo potuerunt Portugallenses illam artem Sinenses docere, quibus diu non licuit pedem in Regnum inferre, nisi forte paucis & sub militari custodia? pauci anni sunt ex quo Patres Societatis in interiora penetrarunt. Audi Trigautium cap. secundo. Typographiæ apud Sinas antiquior aliquanto usus, quam apud Europæos. nam a quinque retro seculis certum est ab iis usu receptam. neque desunt qui asserant, prius ea Sinas fuisse usos, quam in hanc mortalitatem immortalis sese Deus abjecisset. verum à nostra differt non parum, quæ hieroglyphicis eorum characteribus ob multitudinem esset perdifficilis, &c. Ex quo apparet me non frustra scripsisse, atque etiam hodie non aliam apud Sinenses esse in usu.

H. G.

Non convenit quod dicit obtrectator, maxime feros fuisse Americanos, qui proximi essent septentrioni, & quod agnoscit, minime ibi reperiri hominum estores.

I.D.L.

A M E R I C A N A R V M : . 99
I. D. L.

CVm dixi maxime fuisse feros America-
nos , qui proximi essent Septentrioni ,
mores & politiam respexi , & comparate ad
Mexicanos & illis vicinos : neque dixi mini-
me , sed minimum ibi reperiri hominum e-
stores , atque admodum paucos , si remotio-
res respiciamus ; aut eos qui Austrinam A-
mericam incolunt . Optime hæc conciliari
possunt , si quis æquum animum adferat .

H. G.

QVomodo equi facile vagentur , & ex mansue-
tis efferentur , historia est apud Garcilam . Est
que id non minimum inter argumenta , quæ credi
faciant Scythiam cum America non cohærere .

I. D. L.

PRIUS non ignoro , sed oportet pascua ap-
ta esse ad quæ evagentur . Posterius non
pro certo & explorato attuli : nimirum Scy-
thiam cum America cohærere , quanquam
multi hoc credant , aut saltem angustum fre-
tum dirimere .

H. G.

VIDE autem qui probabilibus fidem derogat ;
quam multa dicat non credenda . Per Scy-
thiam transisse homines non Scythas .

I. D. L.

AN non est credendum , per illas terras
quæ Scythiæ nomine postea audie-
G 2 runt ;

100. DE ORIG. GENTIUM
runt, transiisse homines non Scythes? quid;
an non per Gallias transierunt homines non
Galli? & an non ipsa S. Scriptura loca sæpe
nominat illis nominibus quæ demum po-
stea acceperunt? quid est vitilitigare, si hoc
non est, quod tu hic facis?

H. G.

SCythiam olim fuisse sine equis, quod contra o-
mnem est historiam: equos transfere non potuisse
per montes per quos transeunt homines.

I. D. L.

AN ergo tu putas, statim postquam Noa
ex arca descendit, in omnes partes e-
quos potuisse diffundi: & non ante propa-
gari debuisse in illis locis Armeniæ in qui-
bus Arca constituit? Homines autem melius
posse montes transcendere, quam equos,
clades Annibal is in Alpibus docuit; & in-
dustria hominum multa ardua superat, quæ
jumenta non possunt attingere.

H. G.

Inter Americam & Tartariam crebra freta
intercurrere.

I. D. L.

Ubi ego hoc dixerim, oportuit ostende-
re. nec versimile est. nam opinatus
sum, aut contiguas esse, aut angustum fre-
tum intercurrere. dixi autem pag. 26. nota-
rum mearum; in Americæ illam partem,
quam

quam Norwagos transisse vis, crebros si-
nus & freta longe lateque in continentem
penetrantia incurrere; quod tu mihi hic im-
properas, numquam venit in mentem: ita-
que hic non agis bona fide: aut non objicis
quod merito sit reprehendendum.

H. G.

Tartaros fuisse naviatores: quorum naves ne-
mo vidit, nemo memorat in Euxino, aut Ca-
spio mari, aut in Maeotis, aut ad oram Sinaram, i-
ta ut nihil restet ubi naviaverint præter glacia-
lem Oceanum.

I. D. L.

Sinenses ergo non sunt Tartari: non vi-
deris legiſſe quæ Marcus Paulus Venetus
prodidit de navalibus & classibus magni
Cham. Et glacialem Oceanum etiam navi-
gari, soluta glacie, satis constat: & tu credis
Sinenses illa via ad Suevorum littora ve-
nisse.

H. G.

Egregie vero argumentatur, si Sinenses fuere
navigatores, tales fuisse & Tartaros unde orti
Sinenses; quasi dicat; quia Batavi naviatores
sunt, ideo & Cattos tales fuisse.

I. D. L.

Non video quid huic argumento desit,
quo ita explodi mereatur: nam, ut dixi,
Marcus Paulus Venetus oculatus testis scri-

bit, Tartaros multas naves habuisse & vicinum mare navigasse, antequam omnem illum tractum occupassent ubi nunc Sinensium imperium est, aut Sinenses audirent. Quique navigant ut ipsis oportunum est, qui remoti sunt à mari, flumina, qui mari vicini, mare. Hic nihil absurdum est, aut quod explodi debeat. vide quam egregie tu ante sis argumentatus, Gronlandi degunt in continenti Americæ septentrionalis, illi originem suam debent Norwagis, ergo pene omnes Americani illius partis Americæ oriundi à Norwagis.

H. G.

Miratur origines per Isthmum Panamæ divedi, cum tamen ibi montes collocet, & nullibi facilius quam in angustiis inhibeantur transitus.

I. D. L.

ET jure miror; nam montes etiam ardui obstare non possunt audaciæ & industriæ humanæ; Alpes Annibalem non prohibuerunt in Italiam penetrare, quamquam cum clade hominum & jumentorum; neque Andes Australis Americæ incolas prohibuere ab ora maris in vicinas valles & mediterranea loca descendere. Angustiæ autem nihil impediunt, si hostis ex adverso se non objiciat. Miror viro tam sagaci in mentem

mentem potuisse venire, ut hoc reprehenderet. Neque tamen istic montes per transversum occurrunt, neque ibi angustiae itinerum produntur; neque difficile fuit Hispanis, etiam obſistentibus barbaris, ultra citraque commeare: uti satis liquet ē narrationibus eorum qui primi Isthmum inventrunt. vide etiam iter Didaci Almagri ē Peruvia in Chilen per editissimos & asperrimos montes.

H. G.

Sinenses vult locis proximis ad hæſſe, cum eos non in cætera tantum Indiae ſed & in Ceilanem (quam Selandivam vocat Græcus scriptor non editus, eandemque Taprobanam dicit; & eſt ſane Taprobane apud eruditos omnes, non autem apud hunc qui ſe excellentem Geographum putat) navigaffe omnes norunt. Etiam in Africam eos navigaffe, testes ſunt Xaverius & Teixera.

I. D. L.

Non dixi in notis meis, Sinenses locis proximis adhæſiffe, ſed cum ageretur de Peruvia, hoc tantum dixi; ſed neque illam longinquas navigationes (quales illæ in Peruviam) ſuscipiunt, vicinas provincias, & iſulas maris Indici adire contenti. Itaque quod he dicis de Ceilane, aut etiam Africa, nihil contra me facit; nam Ceilane iſula eſt illius maris, & Africa, vicina provincia dici

G 4 potest,

potest, respectu Peruviæ. Taprobanem autem esse Sumatram, omnes authores, qui ante Varrerium scripserunt, crediderunt, ut ante dixi, quos tu pro eruditis haberi non vis, quia non idem tecum sentiunt: quanquam fuerunt inter illos viri eruditio-
ne præstantes. interea nolo refutare argu-
menta eorum qui putant esse Ceilanem.

H. G.

Illud quoque expedire nobis debet; Rhedas il-
las, quibus per glaciem vectos vult gigantes,
quæ animalia traxerint.

I. D. L.

OStende quæso, ut fidem tuam liberes,
& me ad hoc expediendum compel-
las, ubi ego scripserim, gigantes rhedis per
glaciem vectos; quod mihi numquam ne
per somnum quidem venit in mentem: de
Samoedis tantum dixi pag. 158, potuerunt e-
nim vel rhedis suis super glacialem Oceanum vehi
&c. illos non esse gigantes, satis constat, mi-
rum quantum tibi permittas in absurdis
mihi affricandis, neque metuis ne lectores
æ qui malam tuam fidem deprehendant, &
judicent te hic fecisse, quod mihi nullo jure
toties improperas.

H. G.

Probet vel uno teste Hispanos à Romanis pulsos
fuisse in Americam, sicut nos Norwagos in A-
meri-

mericam venisse probavimus.

I. D. L.

REspicis opinor ad ea quæ in observatione prima dixi pag. 136. Quæ si æquus lector inspicerit, videbit me non dixisse Hispanos à Romanis pulsos in Americam, sed me ibidem agere de Canariis insulis, & Azoribus. Et subjunxisse: *fuere ea tempora in Hispania, ab eo tempore, quo illis cum Pœniss & deinde etiam cum Romanis res fuit, quæ illis gentibus Hispanicis pene necessitatem imponerent alias sedes quærendi: Pœnorum autem naves ipsis ad hoc opportuna erant: & Hanno monstrator itineris & exemplum.* quibus nunc addo: Accedit (quod jam ante monuimus è Strabone) Gaditanos ipsos magnas naves habuisse & navigandi peritia excelluisse atque ambitum Africæ non semel tentasse. Atque adeo Hispanienses omnes navigandi industriam habuisse è multis Strabonis locis patet. Attuli autem illa non tanquam certa & explorata, sed tanquam probabilia & minime spernenda. Sed quæ so, tu qui me postulas probare, quod non dixi, Hispanos à Romanis pulsos fuisse in Americam, num vel uno teste probasti, aut Æthiopas in Iucatanem, aut Sinenses in Peruviam venisse? multa probabilia esse videntur quæ nullo teste antiquo probari possunt: & licet probaveris

G 5 Nor-

Norwagos in Groenlandiam , Americæ septentrionalis partem venisse , non tamen propterea probasti , illos maximam partem illius continentis incolis implevisse . Fortassis & respexisti ad ea quæ dixi in notis ad Acostam pagina 78 : *Sin autem quis credibile hoc putat, multo facilius Hispani in Americam potuerunt pervenire.* Quibus jam addo . Cæterum hic observandum , Strabonem lib . 2 . tractantem quæstionem de Oceano terram habitabilem undique ambiente , meminisse aliquot navigationum circum Libyam ; (ita Africam vocat) quem locum hic inferere & expendere operæ premium judico . Facta , inquit , deinde mentione eorum qui navigando Libyam ambiverint , scribit Herodotum in ea fuisse opinione , quosdam à Dario missos ambitum istum confecisse . Heraclidem vero Ponticum in dialogo perhibere , magum quendam à Gelone venisse , qui se navigio circumivisse diceret , sed rem testibus carere . Præterea narrat Eudoxum quendam Cyzicenum , qui Corinthii certaminis causa spēctandi & libationis ferendæ missus esset , in Ægyptum venisse , quo tempore Euergetes secundus regnum tenuit : eumque cum Rege & ejus familia-ribus sermones contulisse , maxime de sursum na-vigando Nilo . Et post historiam Indi cujusdam semimortui à custodibus Arabici Si-nus deprehensi , & græcam linguam edocti;

pro-

prosequitur de Eudoxo. Illum ad Indos cum
donis navigasse, & eorum loco reportasse aromata
ac lapides preciosos: ceterum Eudoxum sua fuisse
spe falsum, Euergeta quicquid navi advexerat
adimente. Mortuo Euergeta, uxorem ejus Cleo-
patram regnum tenuisse, rursumque ab hac mis-
sum Eudoxum majore cum apparatu, ventis supra
Æthiopiam fuisse delatum: ubi cum ad quædam
loca appulisset, animos incolentium sibi conciliasse,
frumenti, vini & caricarum largitione, quibus illi
carebant: ab iisque contra aquam & navigationis
duces accepisse, & vocabula quædam descriptisse.
cumque invenisset summitatem proræ è naufragio
superstitem equo insculpto insignem, idque cuius-
dam navi ab occasu adiecti naufragium esse inau-
divisset, secum in reditu detulisse: salvumque in
Ægyptum rediisse: Filio jam Cleopatrae suffecto
in Regnum, denuo omnibus spoliatum fuisse, com-
perto illum multa intervertisse. proræ autem sum-
mitatem ab ipso in Emporium delatam, nautis
que exhibitam; fuisseque ab his edoctum Gadita-
næ esse navis. nam Gaditanorum mercatores in-
gentibus uti navibus, pauperes parvis, quas equos
appellent, à proræ insignibus, iisque eos piscandi
gratia usque ad Lixum amnem circa Maurisiam
navigare. atque adeo quosdam nauclerorum ag-
novisse, lignum illud unius eorum fuisse qui ulterius
à Lixo fluvio navigarant, neque reversi fuerant.
Ex his Eudoxum collegisse, posse Lybiam navigio
cir-

circumiri: ita domum revertisse, omnibusque suis facultatibus impositis navigationem instituisse primum Dicæarchiam, inde Massiliam, ac reliqua deinde ora maritima navigata Gades pervenisse. Narrat deinceps quomodo semel atque iterum navigationem à Gadibus fuerit aggressus; quæ apud ipsum requirantur. Ex hisce autem quæ huc retulimus observandum primo; quid sibi velit Plinius cum dicit, *signa navium ex Hispaniensibus naufragiis feruntur agnita.* Deinde, perperam à Nepote Cornelio relatum, Eudoxum quendam sua ætate, cum Lathyrum Regem fugeret, Arabico sinu egressum Gades usque pervectum. nam longe aliter & verisimilius hæc narrat author apud Strabonem; quippe à Gadibus solvisse: nam priores illæ navigationes ex Arabico sinu ad Indiam factæ fuerunt, ex indicio Indi qui in sinum Arabicum fuerat delatus. Tertio, Gaditanos tum navium structura, tum navigandi peritia excelluisse: (quod & alibi saepè annotat Strabo) itaque haud frustra cuiquam in mentem venire posse, ab illis quoque originem ducere gentes Americanas, præsertim si consideret vicinas insulas Canarias aut Azores & alias, de quibus alibi jam dixi. Et sane ut nihil dicamus de eo quod casu potuit fieri, multæ causæ afferri possent, quæ Gaditanis persuaserint novas

vas habitationes quærere, potissimum Hispania flagrante bello illo quod Romani cum Pœnis gesserunt.

H. G.

Si scisset Cananæos eosdem esse, qui Phœnices, non mirum ei videretur, venisse eos ad Herculis columnas, ubi & colonias habuere nobiles.

I. D. L.

UNde quæso tibi liquet me nescivisse Cananæos eosdem esse qui Phœnices, aut ubi ego illius ignorantiae indicium dedi? Credo te respicere ad annotationem meam pag. IIII. ad secundam opinionem à Lescarboto allatam; quæ vult progeniem Chami, quum Iosua inciperet intrare in terram Chanaan & possessionem illius capere, ita fuisse attonitam ut animo desicerent, &c. ubi hoc tantum dixi: sed quomodo Chananæi, ut maxime se mari commisissent, potuerunt expelli in Americam? totum mare Mediterraneum enavigandum erat, & angustiæ inter columnas Herculis superandæ, & tum denique Oceanus penetrandus. Ut pateat me non habuisse rationem navigationis, sed tempestatum quibus illos in Americam aëtos, authores illius opinionis opinabantur. Neque mihi mirum visum, eos venisse ad Herculis columnas, quod tu mihi hic falso imponis. Deinde subjeci; si ad oram

oram Atlantici Oceani habitassent, aliquid fidei mereretur hæc conjectura. ad quod reponis, Phœnices ad columnas Herculis nobiles colonias habuisse; sed vel uno teste tibi probandum fuerat, tempore Iosuæ habuisse; nam de eo agitur in illa opinione. Pluribus autem testibus probari potest, colonias illas tempore Iosuæ longe esse posteriores.

H. G.

Hannonem mira audacia ad Americam usque promovet, qui ita Africæ hæsit littori, ut ne ad Canarias quidem pervenerit: quod & ex ipsius Hannonis & ex aliorum scriptis appareat.

I. D. L.

Sed tu mira male dicendi licentia hic mihi affingis, quod numquam mihi venit in mentem, ut jam supra de Hispanis ostendi. Videndum judicium Ramnusii de hac navigatione Hannonis, de qua & quædam diximus ad locum Plinii.

H. G.

Avtololes quis unquam fando audivit aut legit navigasse? Quis eorum mores descripsit, ut cum Brasiliensium moribus possent comparari?

I. D. L.

Quæro eodem jure quis negaverit? tu nobis pescatores Æthiopas in Iucatanam usque tempestatibus proiectos prodidisti:

disti: nihil vetat Autololes mare accolentes etiam pescatores fuisse. Plinius autem scribit Autololes moribus feris fuisse; & Gætulos; hactenus cum Brasilienibus comparari possunt. Ego illas conjecturas aliis expendendas reliqui, nondum eas ita amplexus sum, ut mihi irascendum putem, si alii illas non probent, aut propter illas cum quoquam velim contendere; quæro adhuc veritatem, non confido me invenisse.

H. G.

Sed hæc in Historia, Geographiaque, talia sunt, Squalia in latina lingua dicere, remulco trahi, pro remis agi; cum remulco agi soleant etiam maxima veliferarum navium.

I. D. L.

NVllum adhuc errorem meum in Historia aut Geographia demonstrasti, cum plures jam in utraque ostenderim tuos: fateor lubens me in lingua latina non esse tam disertum, quam tu es; non tamen ignoro quid sit remulco agi, licet hoc mihi dum res magis curo quam verba, imprudenti excederit. ferulam itaque fero, & gratiam habeo quod monueris & castigaris.

H. G.

QVale in Physica, negare ranas & mures imperfecta esse animalia; quod ordinario modo coëant & pariant; cum præter ordinarium illum modum,

modum, nasci eos ex luto & putredine, ut vermes & serpentes, notissimum sit, eoque à perfectionibus animalibus non parum differant.

J. D. L.

MAgnum sane argumentum, me Physicæ esse ignarum, quod non credam mures aut ranas ex luto & putredine nasci, quod tu notissimum dicis, non autem probas: & etiamsi hoc concederem: an sequitur, non parum differunt à perfectionibus animantibus, ergo sunt imperfecta? Gradus sunt perfectionis inter animalia, itaque perfectiorum respectu etiam imperfecta dici possent, quia non assequuntur illam perfectionem quæ cætera; atque eo sensu non negavi mures aut ranas imperfecta esse animalia. Si ego tam levicula tibi objecissem, vix nomen invenisses quod mihi affingeres. Si autem tibi similis esse vellem, quam multa in scriptis tuis potuisse reperire reprehensioni magis obnoxia, quam hæc quæ è meis excerptisti: licet tibi secus forte videatur, qui tua tantopere amas, ut existimes nihil in illis reprehendi debere aut posse.

H. G.

Certe nisi meliores, quam istæ sunt, censuras exerceant illi temporis causa facti presbyteri, careri illis potuit.

I.D.L.

ITa sane, si tales exerceant quales tu; an
meq; tales sint, judicabunt & qui Lectores,
ego cum notas meas addidi ad tuas conje-
cturas, non magis presbyteri partibus fun-
ctus sum, quam tu Legati cum illas ederes,
quare non est quod ordini meo possit obji-
ci, etiam si in illis (quod tamen nondum o-
stendisti) imprudenter errasse. Non satis
autem erat, in me toto tuo scripto debac-
chatum fuisse; sub finem demum etiam o-
dium in Ecclesiam è qua exiisti manifestan-
dum erat. De qua re non est hic dicendi lo-
cus, neque materias tam diversas commis-
cendas autumo. Ut autem constet notas
meas in priorem tuam Dissertationem re-
tas fuisse, breviter pro conclusione hic re-
petam, quæ fuerint inter nos controversa.
Negavi primum ullam causam esse cum di-
visio migrationis gentium in Americam
statueretur ad Isthmum Panamæ: nihil e-
nim obstare, quin sine impedimento populi
ab una parte in aliam potuerint commeare.
hic tu tantum excipis, montes ibi esse & an-
gustias; quod etiam si ita se haberet, (quod
tamen nego) non tamen impedire potest
hominum ultra citraque commeatum. De-
inde pro nova opinione dixisti; *omnes ferme*
populos qui cis Isthmum sunt Panamae, ex Norwa-

H *gia*

gia ortos arbitror. Ostendi multis argumentis, quorum ne unum quidem in hac secunda Dissertatione refutasti, id minus probabile esse, quum Mexicanii (de quibus hoc maxime credi volebas) ante ad Lacum Mexicanum venerint, quam Norwagi è Gronlandia potuerint movere; quinimo ad Lacum & in ulterioribus regionibus eosdem reperisse alias & alterius originis gentes qui jam multis annis ibidem incoluerant: è quibus utique satis liquet, non modo non ferme omnes populos qui cis Isthmum Panamæ sunt, sed ne quidem, quos maxime volebas, Mexicanos, Chichimecas, Otomies, alios, ex Norwagia ortos. Ad quæ tantum hoc respondisti, quum inter nos conveniat Gronlandos à Norwagis ortos, saltem jam haberi partem septentrionalis Americæ à Norwagis cultam: & quia Herrera scribit eos qui juxta Bacalaos degunt Lapponibus cultu & aliis notis similes esse; etiam de hac parte probabile esse. Sed vide quæso an non recte in hæc tua quadret Horatianum illud, *Amphora cœpit Institui, &c. aut, Parturiunt montes, &c.* Nam quum Lector expectaret magnum aliquid & superioribus seculis ignoratum, quale revera esset, originem tot populorum, qui septentrionalem partem Americæ incolunt, ostendere: nunc tan-

tandem eo redditur, ut Gronlandi & Bacalai
à Norwagis & Lapponibus orti dicantur.

Tertio asseruisti, eos qui Iucatanem &
vicina quædam loca tenent, eos alterius esse
originis: nimirum ex Æthiopia Oceano ad-
jacente eo delatos: *quod facile evenire potuit*
proiectis nonnihil ab ora sua piscatoribus, deinde
per ventos illos vehementes qui recta in Americam
ferunt, abreptis, &c. & porro Abyssinorum
propaginem esse voluisti. Ad quæ multa re-
spondi, quæ hic repetere longum esset, in-
primis autem, quod Abyssinorum impe-
rium numquam ad Oceanum pertigerit.
Respondes, ad Congense regnum pertigisse;
quod neque verum est, neque si esset,
ex eo sequeretur ad Oceanum Abyssino-
rum imperium attigisse. Ut autem magis
credas imperium illud numquam ad Ocea-
num pertigisse, addam hic duo loca è lib. I.
P. Nicolai Godingii è Societate Iesu, de A-
bbyssinorum rebus, capite secundo. *Certum*
est, inquit, neque Madianiticam Æthiopiam,
neque Hespericam, quæ per interiorem Libyam
funditur, neque illam quæ Zanzibaris terras con-
*tinet, neque eam demum, ad quam Congi, Ango-
læ, cæteraque Guineæ ac vicinarum provinciarum*
regna pertinent, quamque intactam prisci reli-
querunt, Abassia nomine censeri, sed illam solum
quæ sub Ægypto est, & eos dumtaxat complecti-

tur *Ethiopes*, qui orientales incolunt regiones.

Idem cap. ix. Preteianes, et si olim aliquot in Erythræo mari portus tenebat, quos tamen omnes vi. & armis Turcæ occuparunt, Oceani quidem fines numquam ditione attigit.

Quarta quæstio erat de Peruanis; quos à Sinensibus ortos volebas; id vero omnium minime credibile esse ostendi, ob navigationis longinquitatem & difficultatem; aliasque multas ob causas. Et quia inter alia ut morum congruentiam aut saltem parem industriam probares, attuleras Peruanos eodem modo scribere, quo Sinenses. Scriptura Peruanis non per literas, sed per rerum notas, idque à summo chartæ ad imum, ut in Sinis. Notavi, Peruanos neque chartam neque scripturam aut characteres ad modum Sinensium habuissē. Ad quæ quam parum apposite responderis, & quis Lector judicabit. Quid multa? si omnia considerentur quæ ip. hac secunda Dissertatione attulisti, nihil reposuisti quod Notas meas priores evertat, sed contra adhuc plures errores accumulasti. Sed finem facio, & tibi meliorem mentem & majorem modestiam precor.

F I N I S.

I N D E X R E R U M

Observandarum in utroque
Libello.

A.

- A**Byssini mare Atlanticum non attigerunt.
AI. 50. II. 63. Circumcisii sine ullam cære-
monia. 52. eorum baptismus. ibid.
Acosta citatus. I. 8. 41. 51. 63. 66. ejus senten-
tia. I. 72.
Adulterii pœna. II. 54.
Ædificia Americanor. I. 211.
Æthiopes ab Africæ ora non potuerunt ejici in Iu-
catanam. I. 48.
Alavardi I. 28. II. 41.
America plena fuit incolis. I. 11. an cum Tarta-
ria cohæreat, incertum. 12.
Atlantis insula. I. 133. II. 99.
Australes venti ad oram Peru. I. 97.
Australis terra de Quir. I. 169.
Aymara lingua. II. 91.

B.

- B**Acalaos incolæ. II. 30.
BBestiæ quomodo venerint in Americ. I. 85.
Brasilia quomodo inventa. II. 71.
Brasilienses Punicæ origin. I. 82. eorum lingua:
I. 181. grammatica. 219.

R E R U M

C.

Ceilane Taprobane. II. 103.

Cempoalani. II. 60.

Cerne insul. I. 132.

Chananæi. I. 111. II. 72. *idem qui Phœnices.*
II. 109.

Chichimecæ. I. 27. II. 18. 23. 51.

Chiapæ incolæ. II. 72.

Circumcisio Iucatan. I. 42. II. 59.

Columbus non accepit ab alio notitiam novi Orbis.
I. 48. 77. II. 6. 7.

Connubia American. I. 207.

Cusvensis lingua. I. 180. II. 91.

D.

Dei notitia apud Americ. I. 187.

Diluvii memoria apud Americ. I. 105.

E.

EDwardi Brerewodi sententia. I. 123.

Emanuelis de Moræs sentent. I. 216. aliæ de
illo. II. 3. 4.

Equi in American non fuerunt. I. 23.

Estotilandia. I. 22.

Eudoxus. I. 79. ejus navigationes. II. 106. 107.

F.

Floridanorum mores. II. 53.

Fortunate insulæ. I. 134.

Fran-

I N D E X

Franciscus Alvares citatus. I. 52.
Frislandia continens. I. 20.

G.

Gigantes in Americ. I. 83. in Peruvia. II. 77.
Gorgades insul. I. 133.
Gorgones. I. ibid.
Gronlandorum mores. I. 161.
Guayra Peruan. non Mexican. I. 33.
Guinea nova. I. 164. 165.
Gronlandia quando habitata. II. 18. 21. quando
Christiani facti incolæ. II. 19.

H.

Hanno Carthaginensis. I. 79.
Harniscara. II. 56.
Hesperides insulæ. I. 133.
Humani corporis partes ling. Cambrica & Hiber-
nic. I. 140. Danica. 144. Island. 146. Hu-
ronum & Mexican. 173. Brasil. 182.
Huronum mores. I. 208.

I.

Ignariae machinæ in Sina. II. 96. 97.
Indi non potuerunt ejici in Sueviam. I. 79.
Islandia quo anno primum habitata, I. 18.
Islandorum mores. I. 159.
Iucatanenses non sunt Aethiopes. I. 49. II. 60.
non habuerunt baptism. 51, Idololatæ 52. II.
10. qualem habuerint baptismum. II. 60. 61.
Judices duodecim. I. 36. II. 55.

R E R U M

L.

L Anterminatio non est à Land. I. 23. II.
38.39.

Lemarium fretum. I. 94.

Linguæ pene infinitæ in Americ. I. 53. II. 49.

Llame Peruv. non Mexic. I. 33.

M.

M Adocus Camber. I. 137.

Magallanici fresi insulæ. I. 59.

Maquasiorum lingua. I. 178.

Marci Lescarboti sentent. I. 108

Magnetis Pyxis. I. 75.

Manta. II. 77.

Mancocapae non venit è Sina. I. 67. non imperavit ad mare. 68.

Massagetae. II. 50.51.

Mores nisi in plerisque congruant, non probant originem. I. 35.

Mendocinum promontor. I. 93.

Mexicana lingua plane diversa à Norwagica.
I. 54.

Mexicanis in Nova Hispania invenerunt alios populos. I. 26. II. 27. quando venerint ad lacum. II. 28.32.

Mexicanis corpora non seminuda. I. 40.

Mestecæ sacra non facta ritu Aethiopum. II. 73.

N. Na-

I N D E X.

N.

- N**aguatlata. I. 27. II. 29.
Naves magni Cham. II. 101.
Navigandi industria non fuit antiquis I. 74.
Navigationes circum Africam. II. 106.
Nicaragua. II. 55.56.
Nigritarum regna. II. 64.
Noachium in Americanatum. I. 117. refutatur.
I 21.

- Norwagos non dedisse originem plerisque gentibus
Americaë septentrion. I. 17. & passim.
Norimbega fabulosa. I. 25.
Nova Mexica. I. 25.29.
Nuba Nigrita. II. 64. non attingunt mare. ibid.
65.

O.

- O**ccasio hujus controversiae. II. 92.

P.

- P**Agod non esse Americam. I. 33.
Panama Isthmum non recte limitem migra-
tionum statui. I. 15.
Peke non est torrens Mexic. I. 34. II. 44.
Peruvia. I. 57. Peruani non sunt orti à Sinensi-
bus. I. 60. II. 80. eorum religio. I. 63. nul-
lam Scripturam habuerunt. I. 65. II. 86.
quomodo memoriam rerum conservarint. I.

65.

R E R U M

65. non habuerunt naves. I. 67.

Petrus Martyr non dicit Aethiopes ad Iucatanam
venisse. I. 47.

Petrus Fernandes de Quir. I. 169.

Pœnorum naves. I. 136.

Politicum regimen American. I. 196.

Q.

Q Vichia lingua. II. 91.

R.

R Ichardi Hawkins navigatio. I. 168.

S.

S Alomonis Insulæ. I. 163.

Samoedarum mores. I. 157. de iis quoque.
II. 104.

Scytharum veterum mores. I. 152. 154. 155. ali-
qui anthropophagi. I. 111.

Sinenses non navigasse ad Peruviam. I. 61. II.
80. &c.

Sinensium navigiorum reliquiae. II. 81.

Sororum filii heredes. I. 41. II. 57.

Solis cultus. II. 85.

Statura & habitus corpor. Americ. I. 202.

T.

T Abin promontorium. I. 157. II. 9.

T Tapenacæ. II. 31.

Ta-

I N D E X.

- Taprobania. I. 80.
Tartaria magna non semper fuit plena equis. I. 11.
Tartari navigarunt. I. 13.
Temporum ratio apud Americ. I. 33. II. 58. 59.
Teut non est Deus Mexican. I. 32. II. 42.
Teucalli templum. II. 43.
Top-hos. I. 33.
Totonnaques. II. 28.
Transmigratio in Americam statim post confusio-
nem linguarum. I. 11.
Tribunalia ad experimentum astus. I. 39.
Typographia. I. 76. II. 97. 98. in Sinis non mu-
tata. ibid.

V.

- V**ocabula pauca congruentia non probant o-
riginem. I. 30.
Vtlatan incolæ. II. 36.
Vxores singulæ. II. 50.

Y.

- Y**Ca & Arica incolæ. I. 84. II. 82.

Z.


- Z**Enonum relatio suspectæ fidei. I. 20. II.
II. 12.

F I N I S.

63-167
NOV 62
RAYLEN

Errores aliquot Typographici corrigendi.

PAg. 8. l. 24. servit pro struit. p. 16. l. 16. indicas.
p. 19. l. 1. vinieron. p. 25. l. 20. ayora. p. 34. l. ult.
imprimis. p. 44. l. 15. defineret. p. 48. l. 9. nequa-
quam. p. 57. l. penult. addendum: & Tapuyis in
Brasilensi tractu, ut à nostratis observatum. p.
61. l. II. conseguir. p. 80. l. 20. secundum Californ.
p. 85. l. 23. Pachacamac. ibid. penult. magnificen-
tissimo. p. 86. l. 14. quid. p. 88. l. 1. o Siglos. p. 89. l. 1.
pro signis lege seculis.



F64A

L7A2r

